

勁風樓詩唱集



溫州府圖書館藏

勁風樓唱酬集

2 册 存 2 册 排架号 06822

溫州府 函 不 能

弱齡學詠，及是事小，関依稀記。空
堂燈影，有澹桑能，幾回過。多
已滿頭霜。江城合眼，去如力盡
為夢，空與價。三自一統，是尋常
不是，相思自是，不相忘。虞美人壽

冷生兄七十

夏承堃書于京易樓

溫州府 印 卷 之 終

勁風樓同人酬唱集之乙卯集目次

人日寄翟髯

人日漫成

今秋為冷翁八秩大慶賦此預祝

人日寄處州王君兼懷雲谷和尚

人日偶書

人日京中作

何處生春早八首仿香山體

仿白香山何處生春早體得短律五首

前題二首

前題四首

前題六首

前題六首

乙卯元月十九日集勁風樓效香山體分賦生春詩六首

梅冷生

王遜菴

前人

孫棣丹

朱哲夫

任梓良

梅冷生

王遜菴

林鏡平

朱哲夫

任梓良

孫棣丹

前題四首

清明日東董侯用東坡梨花詩韻五首

奉酬劬風清明日用東坡梨花詩韻見懷之作兼簡鷓鴣山五

首

徐董老寄示清明日用東坡梨花詩韻見懷之什率爾奉和

兼簡劬風翁二首

清明題書梨花用東坡韻

梨花用東坡韻一首

清明日詠梨花用東坡韻一首

前題二首

前題四首

前題四首

前題

陳冰原

梅冷生

徐董侯

吳天五

梅冷生

林鏡平

王遜菴

朱哲夫

任梓良

孫棣舟

陳冰原

雁蕩蓼花山房雨中訪樂師陳郎

喜梓良歸二首

前題

前題

前題

前題

答諸翁喜予從京歸二首

同人望廬小集余以病未赴遣兒子代席戲呈一律

立夏後一日望廬小集

前題

前題

前題

前題

前 人

梅冷生

林鏡平

王遜彝

朱哲夫

孫棣丹

任梓良

梅冷生

王遜彝

林鏡平

朱哲夫

任梓良

孫棣丹

董廬小集余以事外出未與

陳冰原

寄啓同杭州即次與友人倡和韻

梅冷生

寄和啓同兄遊杭與任康侯先生倡酬韻

于遜彝

寄和啓同兄在杭與任康侯先生話舊之作

林鏡平

寄啓同杭州即次其友任康侯倡和韻

朱哲夫

寄和啓同杭州即次和友人唱酬韻

任梓良

寄和啓同老與友人在杭州倡酬之作

孫棟丹

次韻啓同老與友人杭州倡酬之作

陳冰原

附 任康侯原詩

錢啓同和詩

補鮐吟集

梅冷生

補鮐吟集呈梅老

林鏡平

溫州

補齋吟集字梅老

前題

前題

前題

前題

山后初夏喜伯輝兄見過

戴雲叟新以黃山畫冊見示為題四絕句

論詩絕句十二首

前題十首

嘗讀清人詩愛此數家因成論詩絕句十首

論詩絕句五首

前題五首

前題五首

王遜箕

朱哲夫

任梓良

孫棣丹

陳冰原

王遜箕

梅冷生

梅冷生

王遜箕

朱哲夫

任梓良

孫棣丹

陳冰原

勁風樓

勁風樓茗話四首

前題六首

前題

前題四首

前題一首

前題

前題四首

自題松臺山居圖

題松臺山居圖

前題

前題

前題

前題

溫州府 松臺山居圖 卷之二

梅冷生

王遜菴

林鏡平

朱哲夫

任梓良

孫煥丹

陳冰原

王遜菴

梅冷生

徐堇侯

林鏡平

朱哲夫

任梓良

前題

松臺山后圖

李欽承題新以遊琴松台山后圖

苦熱

夜來香

前題

前題

前題

前題

前題二首

前題二首

處暑日作二首

前題

溫州平

孫棣丹

戴學庄

陳冰原

王遜菴

梅冷生

林鏡平

王遜菴

任梓良

朱哲夫

孫棣丹

陳冰原

梅冷生

王遜菴

前題

前題

前題

前題

虞暑後作

題戴錕字詩手抄象棋開局津滄本

前題

前題

前題一首

前題

丁卯中秋夜同哲夫坐望江亭得二絕句

中秋偕梓良望江亭半月

生日書感一首

任梓良

朱哲夫

孫棣丹

陳冰原

林鏡平

于遜菴

任梓良

朱哲夫

孫棣丹

陳冰原

任梓良

朱哲夫

梅冷生

八月十六日早冷翁

八月十六日早梅老

中秋後一日早梅丈

乙卯八月十六日早梅丈八十誕辰

乙卯中秋翌日早梅師

八月十六日早梅老

浣溪沙詞 奉懷勁風翁輒以為八十壽

水調歌頭 夜夢勁老鮑翁蒞止湖樓視予夫婦因作此詞

並壽勁老八秩

水調歌頭 和鬻老見寄兼簡勁風翁

紡車踏 温州俗名即絡緯一名紡織娘

紡車踏 聽其鳴聲若與支邊兒女相訴慨然有懷

前題

于遜菴

林鏡平

朱哲夫

任梓良

陳冰原

孫棧丹

吳 鮑

夏承燾

吳 鮑

梅冷生

林鏡平

任梓良

前題

前題

前題

絡繹

一九七五年國慶頌毛主席

國慶 建國二十六年作一首

前題

前題

前題

前題

前題

乙卯重九四首

乙卯九日

朱哲夫

孫棣丹

陳冰原

于遜菴

梅冷生

林鏡平

王遜菴

任梓良

孫棣丹

陳冰原

朱哲夫

梅冷生

林鏡平

溫州 市 印

九日偕任胡孫諸老登華蓋山歸途小酌酒樓有作

朱哲夫

乙卯九日同潔夫棟丹明初登天觀亭玉江樓小飲

任梓良

乙卯九日偕諸老登華蓋山歸途小酌酒樓有作

孫棟丹

乙卯九日

陳冰原

南歌子 九日與棧兒登松臺因懷鄭陶翁

王遜菴

南歌子 九日懷陶文

任梓良

南歌子 懷友陶樂清

朱哲夫

白水深

任梓良

秋陰二首

梅冷生

前題一首

朱哲夫

前題次韻報冷翁二首

前人

前題

王遜菴

前題

任梓良

前題

孫棣丹

百字令 咏秋陰兼寄瞿禪北京

梅冷生

百字令 咏秋陰兼寄瞿禪北京用梅丈韻

任梓良

初冬書事二首

梅冷生

初冬雜興五首

王遜菴

初冬

任梓良

前題

孫棣丹

前題

朱哲夫

浣溪沙 吳橋晚眺時橋北某家芙蓉獨艷

前人

前調 初冬

任梓良

乙卯秋巨明孫迎住湖西小莊

徐董侯

寄題董侯湖西山莊次韻

梅冷生

題徐董老湖西山莊一首

王遜菴

寄題徐厘老湖西山莊次韻

飲厘老湖西山莊次韻

飲湖西山莊酬董老

次董老湖西山莊詩原韻

奉和厘老湖西山莊作

冷翁以薛常州浪語集授余讀之因書其後一首

楊妃帶

鷓鴣天 咏楊妃帶

前調 楊妃帶用梅老韻

前調 楊妃帶

楊妃帶 即裙帶魚 七絕首

鷓鴣天 咏楊妃帶

楊妃帶 并序

林鏡平

朱哲夫

任梓良

孫棣丹

陳冰原

王遜菴

前人

梅冷生

林鏡平

朱哲夫

前人

任梓良

孫棣丹

前題

題錢牧齋詩集

題錢牧齋詩集

昨詣勁風樓適陳君炳源送冬白至主人即命烹以餉客因

成長句室冷翁並邀同作

勁風樓雪後食冬白拙詩為謝

勁樓主人記余購雪鯪不得適陳君炳源送冬白至梅老不

自專設讌招同人共酌率成長句奉呈

冰原贈冷翁白魚即同食隨和一首

余以冬白饋梅師師即令厨烹以餉諸師老遜翁首唱一律

並邀同作余亦繼聲

陳冰原

梅冷生

于遜翁

前人

任梓良

孫棟丹

朱哲夫

陳冰原

梅冷生

任梓良

初雪

前題

前題

前題

前題

臨江仙

景文囑題劍廬說詩圖

月中行

書庚子秋詞後

乙卯餞歲

餞歲餞內

乙卯餞歲作

前題

前題

前題

滿江紅

柴市謁文文山祠

前調

次韻夏瞿老北京謁文信國公祠

王遜菴

孫棟丹

朱哲大

梅冷生

王遜菴

梅冷生

王遜菴

小哲夫

任梓良

孫棟丹

陳冰原

夏瞿老

王遜菴

前調 同題

前調 同題

前調 謁孤嶼文信國祠步韻奉和瞿髯老北京之作

前調 温州謁文信國祠並早瞿老

平韻滿江紅 過柴市吊文文山

前調 用白石平韻和瞿髯柴市弔文文山原韻

前調 同題

水哲夫

任梓良

陳冰原

林鏡平

夏瞿髯

任梓良

林鏡平

温州

勁風樓同人酬唱集乙卯集

溫州梅冷生等著

人日寄瞿壽

王遜昇林鏡平同編校

梅冷生



春風病榻訊腰支
晴日寒花暖亦宜
更廿四番先應候
高二十五例題詩
草堂有與隣難買
匏落無容子自知
回首桐江煙水闊
故人梅福正尋思

附註

憶五十五年前兄自嚴州回里度歲人日偕趙伯頤過余勁風閣縱談越日余用高適讀記之兄答詩明日抽帆過富春看山未許踏塵埃一竿欲向莊光借梅福平生是故人偶然憶及即請一笑

人日漫成

王遜昇

數盡牛羊已到人
未妨指眼待花晨
全生苦豈眼容顏
老爪座猶分里巷
春 = 某水某山誰復憶
三 一談一笑自相親
四年加詩退吾應
愧煮茗搜腸句未神
五

附註一陳簡齋人日詩便須指眼待花看 = 法苑珠林唐時風俗歲首隣里間互以酒食相邀請之

丹青三韓退之文某山某水我章時游釣處也四杜工部人日詩一談一笑俗相看又句天涯
風俗自相親五陳啟原詩煮茗焚香數人日黃山谷詩茗搜文字案柏腸

前人

今秋為冷翁八秩大慶賦此預祝

聞道今秋年八十春來先為頰無量駭壇卧護一須公健驚座辭談二許
我狂雙井木樨香鼻觀虞陽紅豆發山莊三律中行聽調無射更賦岡陵

第一章

附註一卧護見晉書羊祜傳揚誠齋詩卧護江湖一釣船二辭談言辭談諸也清人詩殿陛辭恢方
朔隱其來歷出漢書三紅豆紅豆山莊有紅豆一樹不常放花牧齋八十歲時忍盛開

孫棟丹

人日寄處州王君兼懷雲谷和尚

書劍生涯憶舊時一卅年形影耐尋思長評短論鋒無敵二故事新編格

亦奇三古刹談禪逢谷叟四二叢品茗訪真尼五蒼山柏水應如昔人日

懷人賦小詩

附註二千君精太極劍余從學未果二當時王在處州日報筆政與理等派論學長篇累牘經年不

息三余編副刊文體新舊兼收頗受邦人好評。處州南明寺主持雲谷和尚河南人卒業北大工詩擅書法自號南明谷叟。五二嚴寺有女尼名性真粗識文字頗伶俐解放前夕被劫雲谷師有句云雲谷未曾落俗髮性真今已脫袈裟。

人日偶書

朱哲夫

草堂詩句故人憐 一雁後花前亦惘然 正是天涯好時節 未妨杯酒對山川 我慚白首將何補 春在紅欄欲吐妍 猶有江湖差引興 尚宜料理米家船

附註

一高適人日高杜甫人日題詩寄草堂 遙憐故人思故鄉 薛道衡人日詩入春纔七日離家已二年人歸落雁後思發在春前 荆楚歲時記正月七日登高賦詩 杜甫句早春重引江湖興

人日京中作

任梓良

草堂詩諫仰羣豪 北國今年獨飲醪 南苑流霞噴眼障 鳳城瑞氣入雲高 池塘有夢生春草 人日寧忘吃短毫 花柳無私誰是客 故園歸計負櫻桃

附註

余近患目障方于朝李主簿且翳目只見門外蒼籬未見眼中安障

何處生春草 早八首仿香山體

梅冷生

咽舌附近以詩紀之陽春有脚僕病未能嘯歌和答聊當踏青亦跋

者不心履之意同好請八公幸毋尤焉
花比去年豐惡木垂嘉蔭長予

何處生春日春生生病榻中被從今夜暖

藉近攻半人差自慰 二未敢怨途窮

附註一友人言余病有好轉 二習鑿齒病痿自號半人
一拓乾坤綽楔綸音渺 二機

何處生春日春生大人十門相八台居鼎鼎牢卷

絲織女繁 三盛衰原倚伏蝴蝶待翩翩

附註一岐海瑣譚載張文忠未遇時寓郡城牢巷今名康寧巷 二五代史其量地之宜高於外門
門安綽楔左右建臺高一丈二尺廣狹方正稱焉坊以白而赤其四角使不孝不義者見之可
以發心而易行焉按晉天福時進表李自倫為義門救用此制後因稱旌表為綽楔吳鼎芳詩
煌煌樹綽楔 三牌坊拆毀張祠及某姓大宅改作織布廠 四一日學使首來見文忠驚喜睡夢
中跳躍同寓人皆驚醒

何處生春日春生在庫書觀行超八即通假足三二餘 一有得憑心心印無營

謝腕骨 二東風紅豆約 三蒙叟一軒渠

附註一六即所謂理即名字即觀行即相似即分證即究竟即出釋典新從定卷詩話中閱到取對

三餘亦暴新鮮也二手不能書有人欲代抄謝之三錢牧齋多藏書八十歲時紅豆花開余今年亦八十歲矣吳園次詞把酒祝東風種出雙紅豆

何處生春日春生在社壇 一 雖無桑柘影尚有里閭歡羣架兒童喜匠名
志乘刊又聞高踏步 二 宰肉玉為冠 三

附註一石垣巷舊名社壇巷見永嘉縣志今人誤寫二距余居十數武有地稍高俗呼之高踏步余疑為當時社壇故址三漢陳平統美如冠玉為社中宰肉眾服其公平自高使我望天下亦如此肉耳

何處生春早春生在淨光 一 漁榔將暮景禽戲趁朝陽吹面松濤醒聽詞
謔浪狂山間 一 宿覺禪味試旗槍 二

附註一松臺山一名淨光山唐宿覺禪師道場山中石刻有漁榔習畫會司二山中上午打太極拳下午唱詞宿覺精舍亦供賣茶

何處生春早春生在樂湖 一 祠宮壞舊宅經術闢新途 二 短策建求仲長
堤學白蘇輕畱方起蟄已有信鳥提壺

附註一樂湖之名見明朱練蕩南集二王荆公父子三經新義已佚仲容先生亦主祠宮著有周禮

正義未知與荆公立論有否異同

何處生春早春生在落霞 卜后山何背抱郭水橫斜我已憐童犢人還
說老鴉婚鄉今就此亦想種荷花 =

附註

一落霞即樂湖之轉音後又誤為老鴉皆沿温州方言一誤再誤二女婿業一衡由南門荷花
莊移家於此

何處生春早春生在蠶川 誅茅依綠後挑菜踏青前南國弦歌地橫山俎
豆年潛溪盛文獻碑版沒青田 =

附註

一蠶園即曾氏依綠園故址前南樂湖後臨蠶川解放前余曾購地四畝預備擴充近聞西城
建築增多余意市政當局對風景區宜有全面計劃二蠶川在信河街角人呼菜園軋早春菜
綠盈畦又甌俗陰曆二月一日家家契芥菜飯三橫山同公廟俗名平水王廟神晉時平陽人
姓周名凱明宋濂作記劉基寫碑在第四中學門首現已不見四青田不以書名此碑僅見
宋濂文則見集中五王仲瞿煙霞萬古樓詩集橫山同公廟詩首結句詩禹疏不到甌江來功
之高乎高大禹

第八首改定稿 上四句同下四句改為

學子弦歌地神功陳鑿年王曼能善言頌絕妙口碑傳

八首詩余精心結構不負病榻光陰復承遜翁指授始獲定稿憶徐
平今大父辛歷先生有言作者有心讀者苟無心不能得知其心請
諸公作有心之讀也一咲

仿白香山何處生春早體得短律五首

王遜翁

何處生春早春生在故廬牆花紅漸吐庭草綠還陳美睡妨啼鳥輕雷厭
過車把茅聊蓋頂老欲賦閑居

何處生春早春生在水心西山青不改南渡跡難尋岸柳搖村細溪魚却
澗深誰傳永嘉學聊讀檣枝吟

何處生春早春生積穀亭萍浮一池碧草認六朝青門巷烏衣改林郎白
髮經翼然公窮睇眇燁兩晚冥冥

何處生春早春生在海壇漲沙曾出相歸棹想安瀾峯影亂殘照花枝戰
晚寒久荒文定墓林麓已殊觀

何處生春早春生孤嶼中東西雙塔峙上下兩潮通薄霧迷花徑新陰轉

竹叢浩然樓一角晴日煖江風

前題二首

林鏡平

何處生春早春生在瑞安東風來有信高詠得同歡故里關懷切新詩屬
和難聯翩還命駕池上待濡翰

附註 瑞安俞吳二君有詩見懷用香山體作喜春詩以答

何處生春早春生積穀山林巒騰語咲磴道許躋攀麗日籠城郭晴川入
海灣羌來一臨眺頓覺此心閒

何處生春早春生池上樓山光搖翠影潭水漾清流却憶池塘夢還尋春
草幽謝公遊憩地廿載為海留

前題四首

朱哲夫

何處生春早春生在小樓開窗延暖日支枕接清謳

床頭收音機
時送演唱

殘帙留兒

讀濁醪與婦謀東風知節序綠上柳梢頭

何處生春早春生醫士廬瓶中儲藥餌肘後足方書汗下臨機活沈綿起

枕初杏林佳氣近人擬董仙居

何處生春日^生春在詞客居門迎五楊柳樓擁萬圖書曲度浮樽側詩成擊鉢初頰椒未幾日更看綠扶疎

何處生春早春生在酒家座中無俗客爐畔有名花不惜金貂換何愁玉斝除清明時節近風裏一旗斜

何處生春早六首仿香山體字梅丈

任梓良

何處生春早春生東閣梅未因身半卧還待月明開詩句夢中得波瀾筆下來圖書二十萬為國貯良材

附註 冷文主第二十年搜集遺書三十萬冊

何處生春早春生白鹿城街花傳獻瑞依斗畫城名俯海金沙嶺吹臺子晉竿平安天下事郭璞給民情

附註

鹿城又名斗城晉郭璞於金沙嶺規畫建城故稱焉郭公山城成有白鹿街花故稱鹿城海壇山下有白鹿庵祀郭璞並建有白鹿街花斗城以北四分華蓋海壇松臺郭公山四山為斗積穀山黃土巽山為斗杓

何處生春早春生太玉峯蒙泉留福地華蓋絕仙蹤吸盡三江水難尋五粒松叢篁亭畔路新笋破苔封

附註 大觀亭舊名吸江亭三條江在甌江上游五粒松出華蓋太玉洞天

何處生春早春生在墨池一泓留不易秀峯老難追洗硯闌香起臨河思句奇蘭亭千載秘肥瘦幾人知

附註 世傳王右軍墨池地名墨池坊今作市政府

何處生春早春生在翠微中川雙塔峙孤嶼一帆飛黃土千年碧青山萬石依嶺頭明月夜長照夢魂歸

附註 山上有烈士墓今改名烈士山

何處生春早春生在巽山浮屠隨世換文筆獨雲間削壁破還立巉岩險未攀園丁舊相識一見有歡顏

附註 巽山塔北於甲寅年秋文筆峰石在巽山

乙卯元月十九日集勁風樓效香山體分賦生春詩六首

孫棟丹

何處生春早春生在小廬歲新嫌俗累年老愛深居有酒須當醉無聊且
讀書東風頻報信花事正來初

何處生春早春生在樹枝辛夷開爛漫楊柳綠差參氣暖蛰蟲覺陽回兩
露滋休嗟雙鬢白物候總如斯

何處生春早春生在院西庭花初吐蕊池水漸平堤新燕猶無信舊巢已
落泥寒雲開復合連日雨淒淒

何處生春早春生繞郭園未闌山鳥鬧但覺市聲喧攝影傍巖壑聽詞坐
石根人生逢盛世得失莫須論

何處生春早春生在勁樓主人談尊故座客樂未忘憂酒債尋常有詩篇相
與酬斯樓春永在倘許我勾留

何處生春早春生在水涯晴川光潋灩遠樹影婆娑浪靜魚兒戲風和鳥
語啾臨流看不盡却羨野人家

前題

陳冰原

何處生春早春生在鹿城和風梳柳髮細雨濕梅英靈潭池添綠齊山耳
轉清扁舟孤嶼約岸濶覺潮平

附註 靈山立春郊行詩冰下流泉清老耳東風先已到郊局

何處生春早春生在武林山光搖水碧月影印潭深花塢嘗新茗湖樓調
素琴浣紗唱越女柳浪度鳴禽

何處生春早春生在濟南明湖冰漸化的突霧仍涵千佛山頭白珍珠水
面藍瓦堂吟漱玉愁緒孰能堪

附註 漱玉為李清照集詞中多寫春愁 瓦堂李清照紀念堂在濟南趵突泉公園中言瓦黃牆內
陳李清照漱玉詞各種版本

何處生春早春生在北京銀花開夜幕麗日暖春城達嶺寒冰解明陵新
涿生遊車馳外客笑語伴歌聲

清明日東董侯用東坡梨花詩韻五首 梅冷生

杏花村店酒簾青綠野名橋喜近城消得官私黃白釀生薑門外幾清明

附註 清明橋南宋時名綠野橋橋上設官酌天遊人買醉見水心集

徐熙沒骨創丹青藝苑何人見化滅老去靈蘭書在手夜窗新火乞餘明

附註 用王深亭炳燭餘明之意以寒食乞火事參之 靈蘭藏書之秘府也素問有靈蘭秘典論言黃帝問十二藏相使貴賤之說於岐伯擇言曰良兆而藏靈蘭之室以傳保云亦稱靈草一

陽關西去失遙青白髮無家唱渭城不是經春鏡柳色誰知初日照林明

綠樹陰成忘去聲舊青砥硃那敢薄連城十年窗下無人識桃李門生負眼

明

附註 一首有本事

新村賃廡似西青艇子莫愁極石城祇目牧齋詩句好江山建業又清明

附註 蠶川有明季李光春別業二西青廿年前剪之花石猶存人多不知董侯亦樂清人寓居於此皆遜學齋詩所謂九山高小隱科陽也

奉酬勁風清明日用東坡梨花詩韻見懷之作兼簡鷺山

徐董侯

縑軸牙籤護汗青
勁風高閣捲書城
絳塵自是多情佛
嵐雨關心對晦明
西山春色几樓青
野水傾盆化滿城
更喜詞人作豪語
停雲詩好愛淵明
巢居牖挹一燈青
蟹舍漁罾不遠城
為報前灘初上鯉
桃花新漲恰清明

附註 是日村人於屋後溪畔捕得雙鯉盈尺而君書適空

奇峰百一 一響螺青彷彿花源憶赤城
君豈抱殘吾守拙
頽齡無力踏穹明

附註 鷺山結首窮經有種桃雁蕩之句去歲約遊天台以道梗不果
有明洞在雁峰最高處

又是孤煙槐火青
相思迢遞隔重城
梨花便似盈頭雪
共向春陽試眼明

徐董老寄示清明日用東坡梨花詩韻見懷之什
率爾奉和兼簡勁

吳天五

風翁

繁霜換盡鬢邊青
酒已無功愁有城
說與坡仙同一笑
梨花夢裏過清明
舊聞蕩頂草青青
春水籠煙亦白城
君自不歸歸便得
試看雙鳥去邊明
老眼相看誰復青
病翁十年載臥書城
此時應有高寒句
似畫樓臺月正明

附註 高靈楊萬里寄同舍人子亮詩省齋先生太高寒肯將好語博好言

清明題畫梨花用東坡韻

梅冷生

溶溶滿地初疑雨漠漠重陰欲壓城此際梨花堪共語
不尋桃李作清明
梨花用東坡韻

林鏡平

日前偶過瑞安故居見梨花數株寂寞自開為留連久之連日豪雨
滂沱當亦飽受摧殘矣慨念之餘為成一絕

淡白梨花為眼青冰肌玉頰認傾城
首遭豪雨連宵如莫遣芳魂伴月明
帶雨梨花仙骨青爭同桃李處
春城成蹊說作無言說相映難招雪眼明

附註 韓愈詩走馬城西惆悵歸不忍千株雪相映

清明日詠梨花用東坡韻

于遜菴

閉門深院砌苔青春到人間即化城
莫問欄干誰復凭自煨藥火過清明
誰為高歌獨眼青餘寒百五過春城
山溪野徑知何似
似瞻照僧窗一樹明

附註 妙果寺有梨花一樹

前題

朱哲白夫

東風又遣柳條青二月韶光似洛城
好是相逢春釀熟洗粧花底作

清明

附註一洛陽記洛陽梨花時人多携酒樹下扇梨花洗粧二長樂集杭俗釀酒趁梨花開時熟曰梨
花春

黃金未易買年春幾見春來花滿城
却受溪南香雪裏有人擹笛作清

明

附註一李白詩梨花白雪香二張祐詩梨花院落無人處偷把寧于玉笛吹

重來對酒象山青怕說雲陰欲壓城
倘得移家野徑曲年年為汝賦清明

附註 宋詩山溪野徑有梨花

任梓良

前題

回首春歸萬木青梨花何處著江城
幾人醉得愁邊老柳漫吹棉亂

眼明

附註一余數年不見梨花田老謂公園隔岸人家有梨花數株正盛開二簡齋句寒食清明驚客意
暖風晴日醉梨花

卧雲庵外草青青十里西山抱近城前渡桃花新雨後懷君淡白過清明

附註 憶去歲西山卧雲庵雨後看桃花已殘而梨花正放

水光山色嶺頭青春草池塘認舊城幾見梨花寒食後却來雲雨共花明

附註 今年清明日下午忽雨積穀山及公園一帶原是舊城

槎研石上蘚生青九曲溪流不入城未了春寒之翻覆雨梨花誰為乞通明

附註 一溪之水經城九曲今河道填塞不能流入市區 放翁句綠草夜寒通明殿為乞春陰護
海棠此謂誰效海棠為梨花乞晴

前題

孫棣丹

梅雨新晴喚踏青摩肩仕女出傾城朝陽初照梨花樹錯認緋桃耀眼明
郊原遙望四山青春色隨風綠到城昨日隣家分菜餅始知佳節近清明
溪山山水畫圖青君住郊村我住城同是休閑逢盛節應多佳句賦春明

附註 前韻箇舊溪胡老

卜居近接水田青中隱最宜傍市城掃墓人歸春袂散獨留橋舊號清明

附註 前韻箇舊老 畫老卜居清明橋幸倚新村

前題

陳冰原

時至清明柳色青梨花萬樹滿江城白頭素質君休咲果結鵝黃耀眼明

雁蕩蓼花山房雨中訪樂師陳郎

前人

破霧穿雲訪故人袷衫透雨洗車塵迢迢遠樹峯巒淨隱隱層樓氣象新
半闕鵝絃清肺腑一盞雁茗爽精神重逢已覺君行健勝地宜居四季春

喜梓良歸

梅冷生

蘆溝曉月逐朝輝（夢依稀）塵土東華見絮飛喜有歌驪成小別春先
啼鵲不如歸牡丹崇效詞流盡香火慈仁慧命微彈指豈無桑下戀明年
倘復理征衣

附註 一北京崇效寺多牡丹慈仁寺有觀音林祠聞梓良言現在北京寺廟多冷落 二龔定庵詩詞

流百輩花間盡 東坡詩一彈指頃去今來三梓良去年赴部途中有征途總覺風沙苦鄉里
還應羨少游之句余極賞之所謂出門一里不如屋底也

前題

都門萬里一歸翁 春色相迎綠滿叢
北國風光冰雪裏 故交翹企詠吟中
林鏡平

壯遊萬目君應廣 枯坐馳心我未空
笑天指輪舟他日 願追隨共唱大江東

附註 白居易詩心與竹俱空

前題

王遜昇

去歲君曾賦北征 南歸喜共作清明
沈塵花下春猶斲 擁鼻樓頭句漫成
投老身仍戀柔梓 揮毫氣已挾幽并
蘆溝往往迹垂股 鑑一枕何妨夢太平

附註

擁鼻吟(晉書)謝安能為洛下書生咏有鼻疾故其言濁名流愛之莫能及或以手握鼻
以效之 唐彦謙詩天涯已有消魂別樓上寧無擁鼻吟

前題

朱哲夫

踏得京塵萬里面 篋中詞句滿瓊瑰
冰霜客路添才老 耽癖平生忘鬢推

楊柳東風河畔曲 一 桃花流水寺門林 二 江城歸日春猶麗 共倚高樓聽
鉢催

附註 一君北行句有重來永定河邊柳絕勝錢塘 二月春頗雋永 二去歲卧雲庵看桃花共飲山下

前題

孫棣丹

聞道行旌出上京 春陽澹蕩伴歸程 晨昏聚首天涯樂 去住關懷骨肉情
北國風光今勝昔 豐台花藥舊知名 青青永定河邊柳 曾爲征人管送迎

答諸翁喜予從京歸

任梓良

歲月鷗盟貸有期 黃花時別各相思 分携天末涼風起 跋望音書遠雁遲
歸恐將離還泥客 耽無佳句敢言詩 長安三月花如錦 回日江城柳亦垂
跋涉方知道路難 歸身一粟海天寬 綠陰又入江南早 白髮還招舊友歡
暫別重逢憐客至 礙晴不覺有春寒 姚黃魏紫豈無戀 只作空桑二宿看

附註 遜翁以書余從京至爲課題

同人塵廬小集余以病未赴遣兒子代席戲呈一律

梅冷生

立夏初臨霞客居今年尚未醉鯖魚酒醒酒解一非無意兒魯兒愚且任
渠二花約歸歟猶緩緩貌為長者故徐徐三南薰知有人間愠痛癢相關
欲起予四

附註一酒醒酒解已見漢書温俗亦有酒醉給酒解之語二東坡詩但願生兒黑且魯無災無難到
公卿三孟子徐行後長者四陳同甫謂口談正心誠意是風痺不知疼癢之人余雖患風痺而
尚知痛癢何也

立夏後一日董廬小集

于遜真

綠陰初八夏花盡柳毵毵櫻笋餘春味杯盤縱夜談隔窗響風雨在壁畫
煙嵐歸路同扶醉溪橋我舊諳

附註 前詩未留意重作後詩並抄之

郊原棟後綠陰新一櫻笋登厨尚有春二挂壁丹青山照座三傾樽黃白
酒醺人四翻江南勢狂終息五近局六朋交老更親獨惜高吟梅二丈未
移榻就銀鱗七

教

附註

一林齋山詩棟後春風在綠陰
二陳后山詩善事無多櫻筍來
三壁間挂有戴雲叟山水畫一
幀四杜詩才傾一盞便醺人
近人陳石遺詩一黃一白酒同傾
五黃山谷詩夢成風雨浪翻
江六陶淵明詩隻雞招近局
七是日梅老以病未能與會

前題

林鏡平

春盡塵塵初着涼朋簪小集潤柏腸論詩朗朗傾珠玉舉盞頻頻酌酒漿
北國南州情繚繞嚶喉顧曲調低昂歡談不記催歸兩况有星輝滿座光

附註

時塵老八十王老七十任胡一老新自北京南京返溫孫老善評曲且舒歌喉于老論詩塵
老豪於飲 星輝指壽星即角亢一星也

朱哲夫

前題

十千美酒二層閣座上上文星接壽星
論世漫矜才學識持躬倘戒勳言
聽二閑來拈句方中隱眾裏銜杯忍獨醒憶昨雨聲纔隔轍此時看已漲

前汀

附註

一除小集同人外兼壽塵塵八十遊齊七十二席次暢聞所談平生經歷
三河朔人謂立夏而
為隔轍雨見浪齋雅聞錄

前題

任梓良

廿四番風春昨過棟花潭影有餘霞
下生長算斗三千傾醉三前事雲煙
一笑嗔雨重留連誰卜夜光搖不定
燭生花四十年老老重開宴魚膾堆
盤憶雪葩五

附註

一廬老八十遊翁七十聊作小飲廬隣濟霞潭棟花風五日竟即立夏二錢牧齋詩書步
生夜值真斗三山谷句叔度千傾醉即休四夜停電以燭代燈旋又驟雨不止五是日鮪魚
難以辨到山谷句飛雪堆盤膾魚腹

前題

孫棟丹

廬廬小酌集羣賢雲脚低垂梅雨天
負郭新醅邀客醉濱江美饌盛魚鮮
老人豪飲饒佳興一吟侶傾談擊彩箋
二座上文明星雙壽考三樽前白獻
養生篇

附註一廬老鏡翁及余各飲白酒半斤二對此佳會人各一詩三廬翁八十遊翁七十

廬廬小集余以事外出未與

陳冰原

生薑門外晚風柔市遠塵香一徑幽
雅空座張詩老健清樽酒美壽星稠

論文語雋開生面度曲聲高忘白頭怕我未能窮盛會扶筇獨上雁山遊
梅冷生

寄齊同杭州即次與友人倡和韻

聞君兩月杭州住草長鶯飛絮又狂求友相關在喬木哦詩幾許拾行囊

從知沈約生來瘦來學師丹老善忘風痺何因知痛癢音書特與叩長桑

附註 陳龍川謂風痺之人不知痛癢予雖患風痺尚知痛癢佳耶否耶還以請教
于遜菴

寄和齊同兄游杭與任康侯先生倡酬韻

南國^園別後長相憶湖上書來喜欲狂激灑晴波分酒盞崢嶸奇句出奚囊

餘花應識春猶在結習同憐老未忘仙侶從知如李郭饒他涸海幾及牛系
林鏡平

寄和齊同兄在杭與任康侯先生話舊之作

舊地重游矜放蕩白頭老友伴清狂咏吟共賞倡酬句投贈徒憐羞兩止囊

照眼湖光應勝昔銘心蕙境定難忘惟期暢作連床叙續有新詩到梓桑
朱哲夫

寄齊同杭州即次其與友人任康侯倡和韻

錢塘亦我曾遊地^今得君詩喜欲狂廿載故人同話兩一六橋佳什^定歷行

囊仲陽八世醫爲隱 = 幼植長才老未忘 = 莫倚湖雲問興廢麻姑幾見
海牛秦

附註一君與任別已廿載 = 錢仲陽昔之名醫 = 任大椿字幼植江蘇人著有燕喜堂五種

寄和啓同杭州即次和友人倡酬韻

任梓良

北歸欲向錢塘過正是薰桃柳絮狂老見故交多白髮閒尋詩味換青囊
山如賓主君能叙心在湖天我豈忘杯酒分曹二月暮花飛客子戀空桑
附註 來詩有落紅滿地不如歸之句至今未見歸旌抑有所戀

寄和啓同老與友人在杭州倡酬之作

孫棟丹

少年意氣凌霄漢老去風懷未改狂舊侶重逢同把盞新詩賭唱付奚囊
白頭朋輩俱非賤黃卷平生豈易忘世事由來多變幻漫從蔗境感滄桑
次韻啓同老與友人杭州倡酬之作

陳冰原

落花時節江南好濶別相逢喜欲狂玄髮休嗟成白髮青囊且喜作詩囊
尋幽雅興今愈健濟世豪情老未忘堤柳應能知正道頻招綠水話滄桑

附 任康侯原詩

廿年濶別渾如夢 一日重逢喜欲狂
昔日少年今白髮 揚名甌海倚青囊
漫嗟舊侶存無幾 圓溯前情未盡忘
兩細花殘春又老 教人能不感滄桑

錢啓同和詩

昔年壯志今安在 太息蹉跎枉自狂
半世浮沉生白髮 一生事業誤青囊
漫嗟舊友多分散 却喜前塵尚未忘
此日重逢休感慨 不妨相對話滄桑

梅冷生

補鱒吟集

今年鱒魚稀少 立夏後十日始得舉行 已失時矣

出網銀刀待舉 觥南風猶未負南烹 一春伏枕思成痼 今夕登盤座亦驚

郭外倪黃揚補畫 一江間潮汐謝翹情 二顏齡望有黔黎 慰飯稻羹魚

足此生

附註 一揚補先號曰補後改無補喜永嘉山水嘗請永嘉郭外諸山點點皆倪黃粉本 二汝社取晚而有信之義桐江亦產鱒魚故云 三飯稻羹魚見史記貨殖列傳

補鱗吟集字一梅老

林鏡平

詩情酒興類相促盛饌名魚幾度叨
腹腹脂鱗留俊味莊言諧語轉清高
舉杯且為三朋壽勳筆須驚一邑豪
率爾為文知未賢故將深意記今遭

附註 二壽作朋梅徐二老各壽八十于老壽七十

前題

王遜昇

八饌江魚 一豈後時高齋小集補題詩劇談未覺身猶病 二多刺何妨味
獨奇春釀盤娘今夕醉夜潮燈火十年思 三燃髭老我無新語 四慙愧何
郎絕妙辭 五

附註

一杜詩白白江魚八饌來 二陳后山詩劇談連晝夜 三夜潮句用孫琴西先生回首十年江館
夢夜潮燈火最相思詩意 四無新語用杜詩只今書舊無新語漫釣枏頭縮項鱸 五何郎句何
大腹有鮓魚詩甚佳

前題

朱哲夫

一樽又喜傍松臺 一詞苑醫林盡宿才 已就神方駐晚景更耽佳句癖深
杯隱鱗重補江鄉美祭纒新排考訂材 二我亦衰年心未已此生倘為讀

書來

附註 二月廿六夜曾集虛廬 二梅老近倡議編小辭海

前題

任梓良

叨陪何幸喜重來
俊味賓筵幾度開
且買時鮮補初夏
不妨詩興發新醅
知公高卧思東作
愧我虛生老棄才
點雪有花聞舊俗
江關詞賦未須哀

附註

孫學齋詩又點鮮花送雪齋

前題

孫棟丹

銀鱗細骨補鮮時
幾醉勁樓慰所思
好客賓筵情切切
留人天氣雨絲絲
座中譚笑俱佳士
卧榻吟哦老壽眉
此會朋儕多盡興
一黃一白酒盈卮

附註

勁樓主人每年之夏例有鮓魚餉客今年鮓魚極少購得時已過立夏十日以補鮓吟集為題命客各賦一首

前題

陳冰原

入夏何妨向薄寒
勁樓小集續前歡
鮓鮮菜嫩烹尤美
興健談酣醉轉難

客有推盤呼細味主猶卧榻勸加餐白頭賸韻俱忘老莫問扶歸夜已殘
山居初夏喜伯輝見過

于滌菴

斜陽又送雨如絲明日陰晴總未知春去難追挑菜節鶯啼已過落花時
青分小閣山將暝綠補頽垣辭自滋僥幸故人猶在眼殘年飽飯可無詩
戴雲叟新以黃山畫冊見示為題四絕句 時適讀錢牧齋游記

梅冷生

兩年不見戴鷹阿聞為黃山費黛螺今日携來峰六六未忘丈空病維摩
附註 戴本孝字鷹阿休寧人丁山水

淵公昔亦畫黃山五老清湘伯仲間心折吾宋不同調後先畫苑幾荆關
附註 梅清號淵公宣城人善畫黃山

湯口香泉出俗宜蛾眉竟負看山期從行赴難河東婦此際何如不入詩
附註 杏初白咏錢牧齋詩松園為友河東婦集裏多編信和詩牧齋以崇禎辛巳游黃山河東未
從終是闕憾

從台山川必出雲胡然黃海說紛紛我今披讀黟山畫始信奇材張一軍

附註 黃山有始信峯

梅冷生

論詩絕句十一首

陽秋未敢談韻語雜事何妨托秘辛轉益多師仍自可鋪張排比杜陵人

附註

開宗明義比事屬詞 韻語陽秋宋葛立方撰其評詩不甚論下拙惟辨別風旨之是非故謂之陽秋 陽秋即春秋避晉簡文帝后諱改春作陽

吾多又新編不汝欺針師誇將大賣針兒如何身後錢東澗又值蚍蜉撼樹時

附註

錢牧齋言又集自序從遵王扇頭兒新詩鈔以為本集之冠推獎遵王可謂盡至牧齋身後遵王參與錢氏家變致河東自縊亦太忍矣

桃花得氣美人憐雲水光中花欲然解識銀燈面薄怒推枰一笑人悟初禪

附註

河東君詩正是西冷寒食路桃花得氣美人中牧齋極賞之而牧齋薄怒銀燈算劫棋一句推美河東只在一個薄字

詆毀談龍亦可嗔漁洋苦口說風神即今律絕傳佳句我是膠腔脫板人

附註 漁洋詩標舉神韻余不善讀有體會而不能吟於口終是恨事 趙秋容看談龍錄反對漁洋

朱十江東見弟詩人言謝客夢先知長城孰敢偏師近未抵西堂五字詩

附註

朱竹垞少客永嘉有江東見弟詩五律一首載曝書亭集中附友題詩有客傳朱十江東見弟詩長城四十字孰敢近偏師但為謝靈運池塘愛春草詩所掩鮮有人談及

小簾輕袞各自自寒 回思往事渡江干 人間詩境應如是 下筆先從意內看

附註

妙在各自兩字意內言外謂之詞詞境然詩境亦何莫不然

頭未梳成未許看 晨粧攬鏡幾盤桓 倉山終是初笄女 便說性靈也一般

附註

力主性靈而又說一詩千改何也

樓臺片段語誰同 我道四輪持續功 不見咸陽三月火 阿房宮後未央宮

附註

張玉田謂吳夢窗詞似七寶樓臺拆下不成片段 彊村翁反對誰要樓臺拆下看半櫻師謂不成片段不樓臺此就詞論詞也余謂七寶樓臺即華嚴世界地水火風即成住壞空諸所有詩法當實諸所無憶前人咏史詩仍是阿房三月泥燒作未央千片瓦可發一省

都都平文寂無聞 論語燒新可解紛 不信試看趙學究 已從齒類別生芬

附註

錢牧齋嘲塾師之作都都平文謂塾師誤讀郁郁平文哉作都都平文我也趙學究謂趙晉也崑劇中曩有訪晉一折今皆銷聲矣

玉座靈和秘殿疑殷勤搨搨義山詩十年更下荆駝淚一集抱廬又裕之

附註

曹君直集李義山詩郭春榆集元遺山詩同寓黍離之惑人罕知者

臨江亭子何人坐四目相看對有情我為石遺參轉語卿須憐我我憐卿

附註

陳石遺詩話臨江亭子何人坐看我扁舟望翠微謂從他那裏看我這裏正在我這裏望他那裏余謂正是石遺狡獪這裏那裏鬧個不休其實此句是卿須憐我我憐卿意之翻版耳

理窟騷壇讓本師王郎一說法似披緇緇殘膏賸馥無人問冷淡章安揮刷

兒 =

附註

一指遜莽二瑞安俗諺謂到門口收拾舊貨者為揮刷兒

前題十首

干遜莽

萬里山川耳目親五千卷破始通神尋常奇崛從君看甘苦能知定幾人

附註

元遺山詩讀書略破五千卷

衣鉢龜堂出浪花正聲自足真活時漫論宗派分時代唐宋原來是一家
聞道多師是我師異量同體莫相疑陰示豈讓陽剛美山石蒼微各自奇
芳草斜陽亦有情俗能化雅便渾成是非豈待千秋定得失還從一字爭
漸頓何曾有二門一分身汗換半分神萬言倚馬空無我兩句二年亦可人
附註 北方俗語汗下一身神來半分

信手拈來見慧心朱弦三歎想餘音性靈神韻難偏廢老向燈前耐苦吟
白髮誰工危苦詞江關兵次摠哀時滄桑獨受遺山句始信雲松解論詩
附註 趙歐北題遺山詩集句國家不幸詩人幸賦到滄桑句便上

婉雅沈雄道不殊要傾肝肺見真吾紛紛奇詭徒驚俗法眼有渠祇野狐
諸法吾聞仗境生意能造境理還明學詩信與參禪似悟凡方能自在行
作詩要有真本領此語曾聞出有遺漢魏風騷皆遠祖同光諸老亦堪師
膏讀清人詩愛此數家因成論詩絕句十首 朱哲夫

二家旗鼓盛當時一倡性靈百世師論我論詩無一致廓空依傍出神奇
勁風樓酬唱集 乙卯集

哀簡齋

附註

三家旗鼓見趙甌北詩我論文章公論戰千秋一樣鬥心兵又絕地通天一枝筆不知依傍
是何人皆集中句

獨從瑰麗見沉雄狂慧幽光語絕丁五十二參唯妙旨高吟時出角和宮

藝定庵

附註

着我五十三參中……高吟角和宮集中句

碧城才調萬珠璣頤道重編旨似違佳絕平生團扇曲凌華仙格世應希

陳文述

附註

碧城仙館詩後刪去改編頤道堂 凌華仙格世間希集中句

橫絕才華恣博聞詩龕香火記二君泊船亦近六和塔清響何人繼鐵雲

舒鐵雲

附註

法橋門以鐵雲與仲瞿子瀟為二君咏 好便乘潮渡江去六和塔下泊船時瓶水齋集中句

揚州燈火難爲月吳市竿歌賸此簫簫亦是空靈亦沉鬱酒樓買醉擲金貂
張問陶

附註 揚州一聯及醉擲金貂句俱見豪逸

大隱金門大雅才梅花冰雪寫風裁人間煙火原無恙者獨任天機與往來

附註 陳文述都門懷人句船山大隱流集中信咏梅花抒寫懷抱有得天氣足看無用出世情多
鬢未華句

煙月揚州世已驚通眉前長似前生青山李白首樓題易代同傳不朽名
黃仲則

附註 蒲褐山房詩話仲則年未冠已有烟月揚州之譽嘗於采石太白樓賦詩座客輟筆黃鶴樓
次崔灑韻吳蘭雪嘆爲天才

文章瀟灑見丁辛似許桃花語亦神二十六陂秋夢闊果然幽雋不猶人
王文曾

附註 又曾字穀原有丁辛老屋集 紅得桃花處似許更將底物作清明爲錢王祠望湖上桃花

句 枕上紅酣秋夢闊窈然三十六陂深題餘筋句幽雋俱絕

才力無慚一代宗獨拈神韻證圓通虞山淵博婁東雅成就騷壇鼎峙雄

王漁洋

附註

王漁洋主神韻稱一代正宗香祖筆記拾筏登岸禪家以為悟境詩家以為化境詩禪一致等無差別

偶翻故紙識前人文采江山日又新笑大我效從響作高論幾曾遺貌獨傳神

論詩絕句五首

任梓良

千古詩宗杜工部九經潤筆鬼神驚 胸中自有淋漓氣不是尋常作廢

聲

附註 一 元遺山論杜工部九經百氏以膏潤其筆端 二 漁洋論詩句六代淫哇作廢聲

郊寒島瘦何妨異白俗元輕亦自難詩意無窮才不逮苦思一字未能安
山谷青蓮一代雄詩人愛癖未能同遺山寧下涪翁拜太白宣城憶謝公

附註

元遺山句論詩寧下涪翁拜未作江西社裏人

聲調談龍竟成怨 一誰傳切響與浮聲幾人歷盡千山後語到欲飲欲絕
情 =

附註

一談龍錄清趙執信撰王士禛與門人論詩謂富如雲中之龍時露一鱗一爪茲有此書以排
之執信與士禛有隙忌情着書不無過激然神讀之說不善學者易流於浮響未嘗非預防流
弊之切論也 一見辭源 二王世模言使人慷慨激烈欲飲欲絕者之美也

詩能忘倦非無益老遺閑情只有詩好句多從夢中得池塘春草費吾思
前題

孫棣丹

孟堅受倩文名重咏史課兒詩格高祇是宋儒尊理學漫嗟唐士主風騷

附註

四庫全書載自班固作咏史詩始兆論家東方朔作戒子詩始涉理路沿至北宋鄙唐之無
知以理論為本修辭為末於是乎詩格大變

文章詞賦傳功過命意修辭見性情自有溫柔端厚處不須強和古人風
讀書萬卷行萬里下筆縱橫自有神詩具別才豈關學滄浪見解獨清新
附註 宋嚴羽論詩力主性靈嘗謂詩有別才非關學也

詩教由來無異途紛紛藝苑較錙銖自抒己見出新見依傍前人總覺迂

扶宋尊唐不合時薄今厚古亦愚痴新人新事層層出處處風情可入詩

前題

陳冰原

詩咏性靈貴在真底須泥古傍前人升天入地今常事意境文心日日新

附註

滄浪詩話試以毛詩置之古人詩中在識者觀之而不能辨則真古人矣此為詩論中厚古薄今之尤匪獨誤人且亦其謬

晉魏宋唐各有神娥眉動魄見情真悅魂芳草寧同氣一轉益多師風雅

親二

附註

江淹雜體詩序娥眉詎同貌而俱動於魂芳草寧共氣而皆悅於魂杜詩別裁偽體親風雅轉益多師是汝師

杜詩字字跡堪尋一索驥圖中太苦心失喜劍南留妙語二西江奚事鐵

成金三

附註

山谷寄洪駒父書自作語最難老杜作詩退之作文無一字無來歷二放翁老學庵筆記元結云少陵岳陽樓詩豈可以出處求三江西派詩人倡點鐵成金說為出處來歷張本

夢得竹枝詞更妍 一 張于樂府自天然 二 香山詩句媿能解俚語吟成味
轉鮮

附註

一 黃庭堅跋劉禹錫竹枝歌云劉夢得竹枝九章詞意高妙元和間誠可獨步道風俗而不俚
二 翁方綱石洲詩話張于樂府天然清削……較之昌谷奇艷不及而真切過之

滄海橫流戰浪濤 一 艦艦舵手獨尊毛華章如劍能興國 二 拉美詩人亦
讚豪 三

附註

一 郭沫若滿江紅滄海橫流方顯出英雄本色 二 毛主席革命文化對於人民大眾是革命的
有力武器 三 智利詩人聶魯達我們歡欣而光榮活在這個時代裏能夠看到一位詩人戰勝
了改變千萬人民命運的戰爭這位詩人的名字是毛澤東

勁風樓茗話

茗話圖傳袁抱存寒廬南海尚留痕 炎涼幾換人間世 破夏吟成亦感恩
梅冷生

附註

陳簡齋有一涼恩到骨句

茗碗今惟對客陳 老夫十年未沾唇 各無端却與廬全別 只有清風來故人

清簾疎簾闕亦宜 江山如此罷觀棋 禮魂却在銀燈畔 消受河東薄怒時

勁風樓洲唱集

龍川正色復嚴辭病叟聞之涕不洩大患在身知痛癢枝談何日釋中疑

附註 易經有中心疑者其辭枝句

前題

王遜菴

說夢談玄各有入鷗邊歲月老尤親毘邪一空從揮塵未許狂花着此身
虞山詩派世同尊茗碗高樓費討論獨愛白頭餘綺語銀燈薄怒最消魂
謝公池畔數峯青接袂行吟記舊徑絕似臨平山下路鶉花風裏點蜻蜓
墨子周官道久湮微君絕詣世無倫永嘉經制推南渡八百年來復此人

附註 偶談鄉哲孫榴頤先生學術

齏鹽隨分足衰年入市何煩問海鮮却羨東坡老居士黃州蝦蟹不論錢
病榻支離未廢詩趙州茶味我能知淵源自是關經史咄爾空空妙手兒

前題

林鏡平

勁樓高遠無炎暑賓主歡談四座風上下千年今古事三杯苦茗品評中

前題四首

朱哲夫

茶煙詩韻接名流壇坫東南此一樓我愧十年避問道龕前香火許同修
病榻傳詩式宛陵半山淵鑑凜於冰六時茗碗樓頭對知到華嚴第幾層
十丈塵中得幾人茗邊清話似搜神雲翻兩覆知何許贖袍殘篇與古親
賞奇不覺又黃昏片席能低道自尊不讀郎環書萬卷何從勺水識真源

前題

任梓良

旗槍二老陣堂堂翰墨場中各擅長夷甫談玄開鎖鑰維摩示疾擊匡床

附註

旗槍茶名作兩用

詞賦千年前輩事吾曹苦思作蟲吟佳人不絕朱弦響三嘆還期發至音

前題

日來苦熱勉成長句一首以應詩課

孫棣丹

勁樓消暑接高風煮茗評詩興不窮敲句量才關衆論多聞博覽羨羣公
侈談脫口莊諧並快語隨心衰賤同如此老民容嘯傲一清時有味况年
豐二

附註一放翁自書山陰老民二詩成言闕三溪早禾豐收

前題四首

陳冰原

十載偏柏存熱心頻招濟輩共清吟多情最是西樓月似報詩翁時已深
樓高室雅遠喧嘩騷客咸來借作家接席論詩常忘老興酣共飲雁山茶
晚風習習快詩腸最喜梅師說故鄉話到淋漓情熱際還揮隻手擊匡床
三十前年是我師知非早鬢復追隨忘年更有諸公在搔首低哦共改詩

自題松臺山居圖

于遜菴

余卜居松臺山麓忽忽二十餘年矣蓬戶繩樞聊避風雨而東臯清
流亦時慕嘯咏之樂余東西南北之人也平生棲息之久未有逾於
此者因乞戴君雲隻製為斯圖張之於壁蓋亦聊以見余屏跡安心
之境云爾

果園舊住松臺北今我誅茅南麓偏
桑下豈徒三宿戀鷗邊肯許一邱專
時聞長嘯傳蘇嶺一敢道茲圖似輞川
為愛于泉下泉下點筆二幾回展對坐
燈前

附註一蘇門山一名蘇嶺用孫登事二戴逵字玉泉山水畫家明時人

題松臺山居圖

梅冷生

舊門投老一^苑表城市山林樂獻酬證道心聲參宿覺上樓筋力及高邱
新松惡竹非無謂蓄文誅茅各有求欲與戴嵩商畫稿未妨夕徑着歸牛

前題

徐董侯

何人截取松臺角心遠能教地自偏嘉蔭都從羣樹台高懷雅興小樓專
客來揮塵風生座吟罷巡檐月滿川應似鹿門成共隱清泉一勺落階前

前題

林鏡平

畫師妙寫清幽境仰壑林泉靜者居謾謾松風調琴瑟悠悠心跡寄樵漁
吟懷欲共龍鱗老爽氣還從蝸殼舒坐對松臺張粉本讀書何異在匡廬

附註

第六句取東坡蝸殼卜居心自放意

前題

朱哲夫

一角松臺自結廬老來心迹近樵漁能忘得失微塵裏喜與夫妻孥相隱初

座上諸山皆八畫尊前好句不勝書煙霞萬石風流在豈止神方肘_後遂餘

前題

任梓良

一壑撚髭興不慳澆書攤飯自心閒十年茅屋秋風裏爽氣朝來獨看山
門前醜石如蹲虎嶺上松風過短垣摩詰詩中饒畫意戴熙筆下有雲根
戴雲叟爲王遜老作松臺山居圖同人等皆有題咏余亦繼聲

孫棣丹

落霞潭水接君廬半嶺松臺此卜居壯歲詩名動京洛暮年醫道重鄉閭
黃花晚節香如故白首耽書興有餘賴有畫師揮健筆依山近水友樵漁

松臺山居圖

戴學正

遜蒼王老先生遠游歸里營菟裘於郡西松臺山麓已二十餘年瓦
屋數椽樓高可望讀書嘯咏悠然自得今歲乙卯爲先生百禩之辰
乃屬僕爲作山居圖以紀韻事故濡筆皴染但寫其意不爲寫生恐
泯於跡也圖成並儼以小詩

歷塊搏雲獨徑還。息機白首社柴關。衝襟壯惠濠間水。索句倪黃郭外山。
方技優游成晚計。詩書藏用得身閒。岷嶓景物吾能寫。千載煙蘿跡可攀。
奉題雲叟新作遜翁松臺山居圖

陳冰原

身行萬里半天下。八畫鄉山愛此家。窗納松臺歸倦鳥。門鄰妙果送飛花。
心安豈必宅三畝。胸曠能藏書五車。更有奇方堪壽世。晨興扶杖自餐霞。
附註 首句借東坡句

苦熱一首

王遜菴

樓居日當午。炎炎如火宅。破灶燃焦團。毒燄更煎迫。繩床據裸跣。欲睡何
曾着。况復夏一子。曝膚惟我擇。空思寒流枕。安得層冰踏。且自手殘篇。古
人似對榻。東坡八匡廬。少陵瞻太白。飛泉與積雪。一一快胸膈。炎蒸俄已
失。忽復思阡陌。亢陽久不雨。池沼餘杯勺。莫使禾稻焦。原田成龜坼。何當
沛甘霖。年豐暑亦却。

夜來香

梅冷生

叢花小朵摘輕羅。天上星期近絳河。似識靈芸猶窈窕。誰知通德已蹉跎。
閑情左海菱香草。俊味南烹比碧蘿。若向此中數回調。素馨茉莉未云多。_五

附註

一夜來香開於季夏盛於新秋人家女兒採摘往往夜間為之承以小扇兒時屢見此景
靈芸號夜來有針神之譽與花同字又針樓乞巧亦時節因緣故取用之
然典故舊時夜來香多戴女人髻上今也則止
蘇州洞庭東山碧蘿膏芥菜
上過來風一向傳誦人口黃莘田秋江集一部分作品又名香草箋
五閩菜夜來香點湯可配

前題

林鏡平

余瑞安故居有此花一株開花頗茂密每夜間納涼輒留連忘睡解
放後余來溫此花不知何似感而有作

淡掃蛾眉異眾芳。殘更獨自散奇香。醉人不用施脂粉。邀月如聞奏羽裳。
點綴階除舒嫩綠。徘徊院落認微黃。一株安得長相守。解我襟煩伴夜涼。

前題

王遜菴

流螢幾點繞牆陰。風過香來夜已深。誰擷籐梢花數朵。老夫頭白不須簪。
佩環誰向月中圓。坐隔紗帷暗自猜。忽憶蟬螂舊詞句。一玉清香到鼻根。

來二

附註一近人况蕙風馮君木有啾唧夜來香詞二吾鄉三溪玉清觀有夜來香一株幹藤大如兒臂殆百年物也

前題一首

任梓良

夜來曲一罷語餘香二星亦無多月淡黃莫倚風前空繾綣宜人夢寐鬢成霜

附註一柳惲有起夜來曲二李義山詩背燈獨立餘香詞不覺猶歌起夜來

無媒徑路豈無縱越角吳根惜未逢聞愛玉清仙觀靜暗香藤長憶秋容

前題

朱哲夫

濃結芳心淡掃眉相逢未免我情移藤陰閑話能消暑花底清樽可釀詩不斷香來人靜夜無邊韻在月明時魏宮遺事猶傳艷膏燭將迎絕代姬

附註

拾遺記薛靈芸未至京師數十里膏燭之光相繼不滅魏文帝改名之曰薛夜來

前題

孫棣丹

綠莖牽蔓蕊微黃絕似仙姝淺淡粧夏盡秋來花爛漫濃香却共夜風涼
盛傳閩粵滿千家故甲於今少此花身列玉清皆掌故寶崖紅日又山茶

附註

二溪彭香玉清觀有夜來香一株大羅山化成洞（即寶崖）有山茶一株皆數百年物均屬吾鄉掌故

前題二首

陳冰原

獨憐明月倚樓臺滿架清香撲鼻來恍似雲軒飄渺至一身仙露碧花開
江南多麗最情痴蔓繞藤牢繾綣時幾度呼郎行不得鬢花帶露贈相思
坐老青氈愧不才筆端欲禿鬢髦推卅年無復風懷語猶有名花號夜來

處暑日作

梅冷生

木落洞庭秋始波十年病驥冷關河一翁桑苧垂虹色二三月鶯花入夢
淒暑自桂排猶戀校身能安樂即行窠宋詩幸讀精華錄二奈此懷人感
逝何

附註

宋人詩好作新詩奇系寺垂虹秋色滿東南陸魯望自號系寺翁二葉修君以陳石遺宋詩精華錄見此書余前未見僅劉貞晦先生在逝世前有自抄本一册藏市圖書館中數日前余適假閱而原書亦至時節因緣可謂巧合三宋詩亦分初盛中晚未免著迹然博觀約取便於記誦師法有餘師矣我勸諸公勿草草閱過貞老簡之又簡只取此書七言絕句又當作別論

前題

王遜齋

已聞處暑暑無多草草中元節亦過茗碗高樓二三子未訪說鬼似東坡

涼風吹雨到疎桐弩末炎威勢漸窮欲賦新詞無故實晚窗咽露聽秋蟲

前題

任梓良

暑熱何堪小病身知秋一雨灑埃塵更殘滴瀝聽簷溜花暗依稀入夢春

金火交爭中氣後一道場未結四依質二甘霖牛背消炎毒三宜有涼風

喜及辰

附註

白樂天詩七月中氣後金與火文爭二錢牧齋詩道場終待四依開四依見楞嚴經謂如是世界十二類生不能依四食住所謂段食觸食思食識食是故佛言一切眾生皆依食住三温州士諺秋霖隔牛背

前題

朱哲口夫

清簾疏簾趁晚風迎秋
錢暑又匆匆剛看河漢星初渡
不道孟蘭宴一亦
終舊稿重商消夏什新詞待譜
廣寒宮二後生儘有因時策
老去去心情便
不同

附註一七月十八日散孟蘭盆宴見歲華紀麗譜二張輯詞有天風吹送廣寒秋句名廣寒秋

前題

孫棣丹

誰家茉莉放清香
夾道梧桐葉漸黃
午夜涼風迎皓魄
中天細雨送驕陽
炎威初斂人思睡
爽氣頻添酒易狂
歲月駸駸催老境
非關愁病鬢成霜

前題

陳冰原

心星七月正西流
一大地炎蒸尚未收
赤赫汗衣人滌污
二羣蚊繞帳市
將休秋霖映日分牛背
三綠野搖風簸穗頭
枕簟微涼官入夢
山亭夜月亦堪遊

附註一心星稱大火也七月此星西流詩云七月流火二杜詩赤赫衣流汗三温州諺語秋霖隔牛

背

處暑後作於時悶熱困人百事俱廢

林鏡平

天末涼風初斂迹人間殘暑歛侵凌驕陽尚射三庚火皓魄難輸午夜冰
蛛網縈迴封舊帙襟煩前滌盥良朋吟蟲恰似相欺得可有新詩與比能
附註 夏至後第三庚日為初伏

題戴君華廷手抄象棋開局津梁秘本

王遜菴

我聞枯中秘所論皆妙旨茲編重開局津梁義獨指洋洋數萬言傳鈔累
百紙戴君耽絲竹餘事乃藝此縱橫門心兵得失關一子於焉悟萬事善
終須慎始

附註 枯中秘為棋書名

前題

任梓良

讀罷津梁更不疑先人一着便能可爛柯定有看棋者從古今無自在棋
題戴華廷君手抄象棋開局津梁

朱哲夫

乃兄繪事見文章豪竹哀絲子獨長亦似情移中歲後一枰重為寫津梁

附註 考工記畫繪之事青與赤謂之文赤與白謂之章所謂文章文采也君兄學正工繪事

前題

孫棟丹

津梁四輯手抄成治事羨君意獨精聞道棋壇稱宿將皮簧弦索早知名

附註 君精京胡

開局全憑一着先或攻或守費鑽研集中至理分明在愧我粗疎總惘然

前題

陳冰原

已倦皮簧謝管弦何妨半隱伴茶煙聞君寫禿幾枝筆二月抄成開局篇

丁卯中秋夜同哲夫坐望江亭得二絕句

任梓良

暮雲掩抑月輪秋電射柁樓影不流一桁遠山煙霧裏隔江星火似瓜洲
另外清輝不易時海壇山月照人遲片帆江上魚龍寂只有潮生不誤期
十年前事逐煙塵坐坐咏江邊腹幾人霜鬢祇今無可白一川風月寄閒身

中秋偕梓良望江亭坐月

朱哲夫

海上潮生月正明老逢佳節倍關情煙霏深護山如睡檣檣交棲鳥不驚

燈火微茫視隔岸早夜寥落感平生舊友藏甫故已有年廣寒歲歲應相似又白人間
髮幾莖

生日書感二首

梅冷生

八十衰翁六一兒兒雖頑劣見孫枝如何兄弟闌牆鬻即在同堂四世時

附註 王老意闌牆豈是我家事况在同堂四世時如此則有勸勉意而無責備意

枉寫零丁寄遠郵孝思何日釋千憂口只愁絕城刀環夢難挽西風白骨秋

附註

懸知窮海還鄉夢應見而翁雪滿頭如此則彼有孝思而我已衰老語較吉祥意亦沈痛此改頗有見地亦較原作婉轉沈着中錄之

八月十六日早冷翁

王遜昇

一床攤卷足生涯又喜逢辰設客茶醉我何煩春釀酒照人應有昨移花
月從秋後皆奇夜詩以神傳異小家絕似虞陽老字伯山莊紅豆二紀年
筆

附註一中秋節為移花日見通考二錢年八十時山莊紅豆正花有詩記事

八月十六日早梅老

林鏡平

舊挹金波傳玉露
卅年卧渡復奚疑
身雖痿痺神猶旺
腹有詩書力不衰
月殿分香頰
桂酒人間聚樂期
願琳琅壁上南山什
倘許效顰獻俚辭

附註 杜荀鶴挹金波爽皆傳玉露秋

中秋後一日早梅文

朱哲夫

十年病榻老維摩
彈指微塵八秩過
閱世未妨隨小劫
抗心時得見長歌
樓前月好秋方半
八上茶香客到多
他日圖成追九老
酒邊倘許我婆娑

乙卯八月十六日早頰梅丈八十誕辰

任梓良

蓬瀛幾識月長圓
紅豆虞陽紀此年
一能起靈椿生右嶺
喜從夢榻寫華箋
二書成目錄功長在
三老有文章世並傳
安得河東消薄怒
銀燈笑語

拜門前

附註

一虞陽八十紅豆忽又開
花二瞿髯每書來要梅丈寫病榻夢華錄
三圖書目錄文親手編成
四近勁風樓茗話詩梅丈有禮苑却在銀燈畔消受河東薄怒時句

乙卯中秋翌日呈梅師

陳冰原

偃臥匡床忽十年未妨高咏自陶然
一關心最是永嘉學得意寧唯孤嶼
篇二攤卷情酣常忘老誨人語篤總希賢
江容叢桂明秋月十五還輸十
六圓三

附註

公詩有雖非行樂也陶然句二公年少時與甌社諸同人謁孤嶼文信國祠禮成禊飲作八
聲甘州一闕深得林鐵尊先生激賞可謂公生平得意之作然公之佳篇不獨此也三温州諺
語十五月光十六圓

八月十六日呈梅老

孫棣丹

十年病痺神猶干伏枕攤書志益專
生日巧逢明月夜稱觴喜近菊花天
玄亭問字尊前輩勁閣論文啓後賢
白首交期寧恨晚信知翰墨有因緣

浣溪沙

吳 匏

短枕匡床閣瘦軀尻輪神馬咲談餘
了無更駕到華胥正要千觴酬皓月
莫教隻夢隨主殘蕪天妃咫尺有於菟

附註 俚句奉懷勁風翁暇以為八十壽

水調歌頭 夜夢勁老匏翁蒞止湖樓視予夫婦因作此詞並賀勁

老八秩

夏承燾

雙客闖然到燈火吐光芒湖頭大月初上酒面似花黃勁老便便腹筭

應為談詞駢散十載落匡牀誰弄跳丸戲日月比人忙 靈巖路迎匏老

木千章靈湫灌頂匹練特健更無方寢饋龍川一卷斟酌月輪幾首山婦

在門墻歸計且休問八表有鸞皇

附註

直齋書錄解題詞話始於晁無咎而朱弁駢叢錄繼之直齋書錄解題宋陳振孫撰振孫號直齋傳錄夾際鄭氏方氏林氏吳氏舊書至五萬餘卷做讀書志作解題極其精詳今本從永樂大典輯出為二十二卷

水調歌頭 和髯老見寄兼簡勁風翁

吳匏

君夢月如斗我夢月生芒無窮變滅彈指短枕倚昏黃早已遺形委蛻剩

有谷神踵息龜老合楮床曾歷炎涼慣靜勝未須忙 看妙手摘雲錦拈

天章五窮一任爾為戲大麓二欲迷方但得龍湫雁蕩頭白歸來一老並

杖更連墻一笑問寥廓奇翼幾鸞皇

附註一五窮窮鬼之名有五曰智窮學窮文窮命窮交窮二大麓書書納於大麓使舜入於大麓之野見淮南子麓山麓也

紡車踏 温州俗名即絡緯一名紡織娘

梅冷生

金井梧桐怯墜涼
玉關消息入清商
秋聲到枕知眠未
月色當樓引夜長
催獻功裘儕蟋蟀
不關風露礙鴛鴦
廣寒儘有閑機杼
待勸姮娥學七襄

附註 詩豉彼織女終日七襄襄為也謂星之移其躔次言周天士一又有初至西凡七時織女星當歷七次也

紡織娘 聽其鳴聲若與支邊兒女相訴慨然有懷 林鏡平

底事梭雞徹夜鳴
秋深露冷獨關情
嘍嘍若共征人語
唧唧如聞機杼聲
已近苦寒霜氣重
誰憐久著絮衣輕
君其一告江南客
八月胡天白草橫二

附註一杜詩已近苦寒月况經長別心二岑參詩北風吹地白草折胡天八月即飛雪

前題

任梓良

密葉能藏自在身，竹籠誰作護持人。
涼風已起清砧夜，秋色頻侵玉露晨。
杼柚有聲梭不斷，瓜花待食意相親。
好音漫說聽來切，體物何如絡緯真。

前題

朱哲夫

莫以草間活，迎秋此正聲。
不平緣底事，獨夜最堪驚。
支枕吟偏細，窺簷月未盈。
鳴機誰氏婦，相和欲三更。

前題

孫棣丹

金風颯颯勢騎橫，叢草莎雞處處鳴。
羈客卧聽知露冷，幽人坐感作秋聲。
瓜花豆葉供餐料，饑鼠饒貓動食情。
賴是主人勤護惜，悠然唧唧到天明。

前題

陳冰原

何處清宵動紡機，聲聲斷續入書幃。
莎雞也解秋寒近，促織知人欲授衣。

絡緯

王遜菴

絡緯秋山夜有聲，隔林鬚鬢聽微鳴。
微蟲似解幽風義，要使人間嘒婦驚。

萬方道喜慶逢辰日月光華頌聖仁尺土咸綏常在念丈夫爲國不謀身
稻方揚穗耕無畔桂欲飄香德有鄰半祿閑人何以報聰聰舜訓一蒸民

附註 唐制致仕者各支半俸白居易詩自知半俸一閑人

國慶 建國二十六周年作一首

林鏡平

自從解放舊神州奮發圖強細運籌借助他山原有得更生自力可無求
山移大寨尊人力地拆荒灘湧石油洞察前途指方向中樞早已定良謀
靜聽空外佳音播舉國騰歡節日游獨拒熊羆修北鄙盡驅傀儡清南疇
衛星又繞天邊軌巨舶還航海角周屹立東方說強盛當年有夢也難求

附註 我萬噸巨輪風慶號訪問非洲沿岸國家繞好望角安然返航

前題

王遜菴

四海同歡歌國慶更聞歲稔慰羣情石湖有語先吾意打稻聲中見太平

附註 范石湖詩太平不在蕭蕭裏只在村村打稻聲

前題

任梓良

舉國騰歡日萬方氣象新足衣堪自樂鼓腹不知貧
渠道通阡陌油輸出
海濱德鄰仁政遠制敵略如神

前題

孫棣丹

紅旗歡舞九州民廿六年來氣象新五族共和競團結
百工創造見精神
環球革命風雲湧萬國衣冠訪問頻足食豐衣人壽永
絃歌四海慶茲晨

前題

陳冰原

二十六年國在新神州已洗舊時負橋飛揚子石城壯
壘固黃河濁浪馴
大禹神功驚眼見愚公偉績縱談真生逢盛世羣情樂
飲水應思掘井人

前題

朱哲夫

萬姓揚眉日羣黎鼓腹年獅真從此醒桂怡及時妍
廣樂謹朝野賓筵窮
塞邊開基原不易黽勉望諸賢

乙卯重九

梅冷生

病不能興勞枕簟詩無可換兩大團
老夫猶望秋花盛名種難求綠壯

丹二

附註一東坡句一詩換得兩六國二曾托哲夫梓良代覓綠牡丹名種菊花不得

天將老壽補蹉跎八十年華初度過幸不登高愁作賦一低徊前輩讀書多二

附註一讀薛常州浪語集有感集中有雁蕩山賦一首二遊學齋詩有永嘉前輩讀書多句

四角菜鹹買一斤上年八公價只三文吾家阿港嬌憨甚索買錫錢要十分

附註 鹹菜飛漲何與之暴我家阿港亦十文為富矣

準擬重陽不負君送君雁蕩覽歸雲恐教荒了家山念別讓黃山獨出羣

附註

送天五歸雁蕩屢侯同行

今人多謂雁蕩不及黃山我則謂人情貴遠而賤近易地皆然

黃山之松雁蕩之石固難為軒輊也

乙卯九日

林鏡平

滿城風雨莫相欺佳節重陽合有詩衰病還攀山路險哦吟不負菊花期
誰知煙霧驚愁眼忽放晴光入酒卮行看陰壑成一掃騷人應共祝明時

附註 連日風雨重陽節天忽放晴是日朱任胡孫諸老登天觀亭且共酌於山麓酒家云余雖未與聞之亦喜而有作

九日偕任孫胡諸老登華蓋山歸途小酌酒樓有作

朱哲夫

九日籬邊菊未花 一亭嶺畔樹還遮 詩如佳麗愁難得 酒對朋簪興倍賒 短髮風前人自健 片帆江上日初斜 無妨大嚼過佳節 共喜登高遠有涯

乙卯九日同潔夫棣丹明初登天觀亭至江樓小飲

任梓良

去年今日曾為客 今歲登臨不負期 蜚海流迴千百折 狙公朝暮四三時 菊胎佳色休嫌晚 蟹愛團臍好共持 儉腹高樓呼小飲 白頭我悔讀書遲

附註 莊子狙公賦芋曰朝三而暮四眾狙皆起而怒俄而曰然則暮四而朝三眾狙皆悅

乙卯九日偕諸老登華蓋山歸途小酌酒樓有作

孫棣丹

九日登高事已陳白頭腰脚健猶馴可無美酒酬佳節喜有時鮮佐野珍
微醉胸懷新祖國長吟心折舊詞人陶潛安得生今世移菊携樽拜後塵

乙卯九日

陳冰原

繞籬炤眼菊花新佳節重逢倍精神誰佩萸囊辟氣侵獨凭危柱醕醉心身
登高目極山河壯懷遠情馳弟妹親莫問韶光如逝水題糕夢得總輸人

南歌子

九日與棧兒登松臺因懷鄭陶翁

王遜菴

岩菊香猶勒江容艷欲流扶衰誰與陟高邱難得輕陰小雨此清秋莫

問藍田集一聊同白水遊二呼兒當杖三步林陔惆悵何人為覓鄭瓜州四

附註

一杜老有九日集藍田崔氏莊詩二東坡有十月十二日遊白水書行過一文三李笠翁詩呼兒當杖醉扶歸四杜詩何人為覓鄭瓜州鄭謂鄭審也一鄭虔之侄一瓜州或作瓜洲長安地名鄭審所居處

南歌子

九日懷陶丈

仕梓良

夢幻微塵裏身心小劫賒交情似水逐年華歲歲重陽應是醉黃花我
返公歸去書來意有加落霞潭水豈天涯江北江南可住即為家

南歌子 懷友陶樂清

朱哲夫

見日身俱老別來秋又深澄潭皓月證初心惆悵蕩雲何日竟相尋
懷
結終誰喻愁生只獨斟黃花遲暮雁音沉珍重寥天冉冉八簫森

白水祭

任梓良

吾甌山水為浙南名區白水深乃江北風景之一山有掛彩峰下有
右利毀於抗日時期故基尚在

崑崙一脈八甌越石門雁蕩爭秀發一江北白水夫際來匹練千年流未

輟靈運謝公舊推山水窟掛彩風壑光不滅龍湫直瀉天下奇焉知此深斜

飛雪三五十年間到幾回一筆之航尚不決昨日大雨今日晴初霽照人我

意悅溪山第一名並存一晦翁去後猶傳說誠齋有聯但半留水月同留

難補綴三半山已苦脚力疲仰首銀漢落雙關風雨未聞龍用壯四煙霞

空濛時出沒陽鳥忽作縛腰虹光怪眩人獨奇絕何來老僧此誅茅五爰

聽溪聲廣長舌曹溪衣鉢誰能傳未解生天五蘊結取前梯田田頓千寮六

豐年四野歌聲出秋山秋色起晴空萬里汀江天氣爽徹一日能遊求亦難
青山有待日暫別明年咫尺得重尋白水簾前看秋月

附註

石門在青田縣西石門洞有瀑布二溪山第一宋朱熹題瑞安縣仙巖寺亦有題額並存
水月同圓寺中有池亭楊萬里遺聯有一池水月好同圓寺僧刻額徵求上聯不得中有禪理
四杜句初聞龍引吐白水添上下數節看去似出沒五山上有羅漢寺一老僧近從別處來住
六千家宋人句有願見山田千百寮古人山田以繩索量地

秋陰二首

梅冷生

剪露判霜亦大觀疎籬佳實報報平安秋陰不是閒蕭瑟已有人知橘柚寒

附註

秋陰一題並非尋寫蕭瑟此首以水心先生橘枝詞為骨子而以孟浩然人煙寒橘柚為結
穴亦東坡所謂一年好景君須記也此寒字非表寒瘦乃代表絢爛否夫以為然否

儘有洞庭張廣樂願分正色到姪嬉狂盜心定八公豪邁語秋心如海復復如潮

附註

張樂洞庭蒼蒼正色均見莊子

補讀浦江絕妙詞拾殘麻外雨絲絲幾牛不到西山路斂盡秋容付阿誰

附註

冒鶴亭刻浦江詞補雁外雨絲絲一首浦江詞幾年不到西山路淮西端午日作

前題

朱哲夫

依稀城郭隨輕煙黃葉蒼苔一徑妍我祝片雲休釀雨待收晚稼作豐年
乍驚霧鬢與煙鬢秋在疑雲疑雨間不道樓臺蕭瑟裏芙蓉一樹獨爛斑
前題次韻報冷翁二首

前人

帶郭煙雲已曠觀吟秋偏覺句難安維摩病榻能高致不似孤城咏暮寒
老圃秋深韻轉遙霜容露菊儘妖嬈始憐桃葉無消息寂寞秦淮上下潮
亦愛菰蒲祭酒詞綠陰猶護柳絲絲好山一抹微雲裏絕唱江南更屬誰

附註

吳穀人詩蒼莽孤清外微陰澹不收

前題

王遜菴

斷雲含雨八孤吟極目江天黯積陰萬里風煙付蕭瑟一十年心跡照登
臨二看花似隔冥冥霧三落葉還昏漠漠林安得秋山明齋色月中重聽
海潮音

附註

一杜詩萬里風煙接素秋二陳叔原九日登岷山詩十年心跡照秋陰三杜詩老年花似霧中

看

前題

涼露橫江暑已收
庭寒藤蔓綠猶稠
黃花色自參濃淡
紅葉情還惜去留
霧暗園林叢桂濕
雲生溪澗曲流幽
小春竟有和櫻發
一老眼休驚草木
秋二

附註一日本稱和櫻曰本櫻花也松島櫻花係日本種今年八月重開二陸游句天地無私草木秋

前題

孫棟丹

獨立橋頭望翠微
黑雲潑墨黯斜暉
蒼苔色老蟲吟斷
黃葉聲多雁影稀
近郭初見楫橋熟
四郊又報稻梁肥
漠漠秋野天如幕
吹面風來冷客衣

百字令

咏秋陰兼寄瞿禪北京

梅冷生

秋光今日有輕陰
薄霧利供趨走我
嘆尸居龍不見一
常使羣陰聚首經
眼美囊延齡菊酒
都是陳芻狗頽然
風物心魂還耐相
守堪咲歲月如

流枯禪槁木怡栴新來瘦 = 北地初寒羈旅客簾幙平安消受謝遺蒲荷
包容花竹 三 且待段灰後推排休問幾回塵世開口

附註

二戶居而麗見淵默而雷聲見莊子 = 新來瘦非關病酒不是悲秋李清照詞 = 包容花竹春
留卷謝遺蒲荷雪滿崖葉水心先生詩句北京冬間盛產荷花水心詩可謂南強北勝矣

百字令

咏秋陰兼寄瞿髯北京用梅丈韻

任梓良

長安不易正書來欲待待得却走逐客難言心似海西咲匆匆回首紅葉
香山白雲秋苑一雲驚蒼狗百年鼎鼎忘歸還自株守 怪底霧起千山
輕陰淡抹小算秋容瘦虛幌月明知共倚待照白頭雙受急雪迴風亂雲
薄暮只見江南後君占勿藥何時歸渡京口

附註

去秋我在北京瞿禪書來囑待因地靈疏散急作歸計未晤為嘆

初冬書事一首

梅冷生

無逸今知有白風嶺梅能白杏能紅 五年更結新桃李使我能成大寨

翁 =

附註 一十月朔風為小陽春梅杏有先化高皆幽風無逸異象 二農業學天宗此間號曰朔以五年
余嘗能觀其成

李泌當年屢出山 一白衣官至白衣還君才雅稱躊躇志 二天許投間復
厭間

附註 一蘇淵留退休後復有出山之思聞人談及以詩懷之 二躊躇滿志見莊子有 一解一猶豫也
一自得之謂淵嘗有自得之情故取用之

初冬雜興五首

短策長郊獨往還 小陽春色到人間 寒山一角斜陽裏 霜葉如花亂酒顏

附註 杜牧山行詩停車坐愛楓林晚 霜葉紅於二月花 爰居閣集外詩酒顏欲亂經霜葉

血肉有情愈草木 一 兀冬補餌愛包羔 二 菜園踏破吾何處 且辨羊蹄屨
老饕

附註 一醫書血肉有情之品其補人勝於草木之藥 二吾鄉習俗謂立冬日食羊肉能補益人 魚
羔見楊惲報孫會宗書歲時伏臘膾鯉魚羔斗酒相勞

秋殘忽爾復冬之初老學何妨值歲餘一更人喜一鵠二時可借夜燈夜夜坐

攤書三

附註

一歲餘冬者歲之餘古人有二餘始讀書之語二鵠通瓶酒器也古語借書一鵠還書一鵠山谷詩時送一鵠開鏡魚三近者時借冷翁書讀之

文章經制豈殊流賦鵬長沙為國憂我道江湖終不廢一低頭欲拜薛常

州二

附註一杜詩不廢江河萬古流二時方讀薛常州浪語集

南朔霜遲始見花村村打稻樂田家一似聞華子岡頭犬二夜上松臺踏

月華

附註一范石湖詩太平木在籠詔裏只在村村打稻聲二王維與裴迪書月夜登華子岡聞村犬聲

似豹

初冬

任梓良

歲餘老愛夕陽邊雙鼓難留日月馳相橘熟時霜有信稻梁豐處雁無疑

寒來曾使修蛇蟄秋去應非蝸甲知漫道尊空負黃菊小陽花木見春曦

附註 雖天地之大萬物之多吾惟蝸翼之知又我蝸甲也見莊子

初冬

孫棣丹

山籠雲霧水籠煙又是陽春十月天有約郊遊偏阻雨違心几坐且參禪
籬邊花盡荒幽徑鏡裏毛斑嘆逝川老去投閑還覓句吟聲時落酒樽前

前題

朱哲夫

清商已是匆匆別一又道玉衡指孟冬天上星辰循序改一 人間花草待
時容二餘白壁供多士十里黃雲刈老農亦愛吾廬松菊在殘編時與古
人逢

附註一潘岳詩清商應秋至二任希古詩星迴應綬管

浣溪沙 吳橋晚眺時橋北某家芙蓉獨絕

前人

一抹遙山淡碧煙湖頭殘日數歸船低徊陵谷卅年前 知是誰家閑院
落乍驚霜裏鬪嬋娟一枝相對欲忘言

前詞 初冬

任梓良

乙卯小陽十日郊行至吳橋今橋已翻造改名豐收

采綠木黃夕照斜西山一水映餘霞豐收橋上興無涯 單柴猶傳鐘裏

詞低蒼誰識水心家橋枝歌斷話桑麻

附註 水心即事詩填高帶潤為深費柱小簷低可厚非一又句又聽三更鐘裏論白旁單柴水心村

乙卯秋巨明孫迎住湖西山莊

徐望侯

杖藜扶我過湖西遷化原知物未齊華子崗高宜結屋斜川林迴入平時
伏雛抱犢皆生理綠橘黃橙任品題會得看山愛平淡欲追摩詰淑江倪

寄題厘侯湖西山莊次韻

梅冷生

二溪溪水自東西流到仙門始會齊寄庶不妨謀築室帶帶經終亦愛鋤畦
汪三趣我為新句朱十因孫仿舊題雁蕩雲來君又去可知頓頓猶得天倪

附註 會齊是温州俗語今采用八詩

題徐屋老湖西山莊二首

王遜蒼

湖西突兀見山莊杖策携雛似老龐回首西山猶在眼扁舟應憶泛浦江

附註 盧蒲江淮西端午詞會自湖上扁舟幾年不到西山路

徐氏多才我所知貽謀今喜盛務枝提魚何日就公煮坐對湖山共舉卮

附註 王荆公寄題湖陰草堂詩有興提魚就公煮此言雖在已三年皖滿空負高人約獨對湖山坐惘然

寄題徐屋老湖西山莊次韻

林鏡平

林泉幽絕會昌西喜有孫枝居處齊 一且息身心歌卒歲 二宜栽薑韭擁
千畦 三好山八畫皆排闥佳客尋詩正著題得避塵囂品成小隱菟裘於此
見端倪

附註 一韓詩外傳傳曰居處齊則色姝食飲齊則氣珍 二白居易詩歌酒優遊聊卒歲園林滿澤可
終身屋老預定於春節後返舊居 三史記貨殖傳千畝卮茜千畝薑韭此其人與千戶侯等

飲屋老湖西山莊次韻

朱哲白夫

故人老愛住湖西一空悠然萬象齊好客時還穿野徑論詩喜復就晴畦
靈蘭偶寄神乎技魚蟹新供醉共題亦似雲林契幽淡孫曾相對樂天倪
飲湖西山莊酬廬老

任梓良

雲林閔閣愛清幽平野相招得醉遊鷗鷺同群閑定樂橘柑共等喜豐收
心安邱壑看成竹秋盡江湖吐亂洲常繞山莊圖畫水流行且息一虛舟

附註 倪雲林臨隱清幽暑年居有清閔閣以書畫自娛

次廬老湖西山莊詩原韻

孫棣丹

老年卜宅任東西休問文齊福不齊
邱壑栽麻兼種橘祖孫採藥復鋤畦
讀書作畫皆人事看水觀山盡咏題
諸老暢遊留小飲鄉居平淡自天倪

附註 一文齋福不齊見西廂記言休咎不計也 廬老業醫文務巨明亦為大隊赤腳醫生

奉和廬老湖西山莊作

陳冰原

廬翁八十愛湖西高格清才孰與齊
對客論醫將進酒課孫種藥樂耕畦

秋夜雨

青

料綠水清山盡書題別業朝川情調近徐熙崇嗣兩旌倪

冷翁以薛常州浪語集授余讀之因書其後一首于孫葺

公傳伊洛之學而殫心經制於禮樂兵刑以至律曆河渠農桑保伍

之制莫不參究詞章殆其餘事耳公初令武昌以薦入供京職嘗奉

使賑贍淮西多所擘劃旋復先後出守湖常一州蓋欲以其所學見

於事功所謂彌綸而通世變者也乃天不假年強仕遽殞平生偉抱

未展百一論者惜之而立言垂後亦不朽之大業也余細懷先哲重

對遺編曷勝嚮往因題一律於其後並以質之冷翁以為何如

義理參經制千秋道尚新一大年天斲汝絕詣世何人入夢東坡論二憂

時半壁臣一麾江海去三櫻契遂沈淪四

附註一公書凡銘云惟道惟宜惟新是師二公嘗夢見東坡與論靖康問國事三一麾牧之出守湖

州詩直把一麾江海去公亦曾出守湖州四櫻契將心餘謁杜工部祠堂詩薄宦沈淪櫻契身

南渡文章盛六公才並絕倫一豈吟牛溲體二獨見性情真三山暗窗前綠

花明夢裏春 一 陳今不作尚論定誰親

附註 一絕倫杜詩推薛皆絕倫 二陳石遺嘗謂陳散原詩生澀處絕似薛浪語余謂薛詩不徒生澀

而已 三公著有詩性情說 四山暗公詩窗外遠山裝暗綠 又詩百種夢中花

揚妃帶

前人

即裙帶魚為前清王環縣令楊子官所取名冷翁以其命意頗雅囑
同賦之

網得西施味並饒 一 佳名才喚便魂銷 二 分題我豈為吳體 三 量帶人猶
愛楚腰 四 草具不煩馮客嘆 雪膚合擬玉妃嬌 烹鮮異代傳佳話 賢尹風
流未可招

附註 一西施亦魚名 二即美人魚 三東坡吳物志魚有名西施者乃美人魚也出廣中大海食之令
人善媚李義山詩網得西施贈別人 二佳名趙陝北咏裙帶魚詩為魚也要佳名字裙帶才呼
便動人 三吳體杜老集中有戲為吳體詩蓋初體也山谷多效之梁章鉅謂吳體者古吳中
楚之音也 四楚腰清人咏裙帶魚詩試把瘦肥量帶孔鮒宮應有細腰人見隨園詩話

鷓鴣天 咏揚妃帶

梅冷生

玉環海中冬產帶魚揚子宣明府爲取名曰楊妃帶見郭外峯司馬
甌江小記中物華天寶海誓山盟因玉環二字適符楊妃之名不僅
吾鄉故事已也偶以語于遜翁亦承激賞勁風樓吟集遂以爲題詩
詞不拘遜翁首倡一律以爲嚆引並廣征集外吟作和其聲以鳴國家
之盛昔吾師半櫻詞人以略勿得食梅溪雪鰻而愈書報况夔笙先
生回書謂雪鰻亦詞題惜無佳句吾師即作鷓鴣天一一閱藉託詞壇
惜當年未見楊妃帶一段故事否者必有佳句流傳余今歲亦思以
雪鰻饌客並準備遜學齋小三吾亭集及吹網錄有關雪鰻材料以
供吟集同人樽櫓第此物高自位置不若帶魚之平易近人雖託孫
棣老預定能否如願尚未可必吁嗟吾師往矣嗣嚮爲難故以原調
亦效繼聲哀病羸年百無聊賴尚思聚山海之精英期杯盤於歲晚
人其謂我乎 乙卯小雪後一日勁風自識

出網霜鱗待策功加恩水族拜新封 一舌羹可比西施美 二耳熟能詳北

監豐三 二級浪一帆風抵他娘子笑塵紅常珍八饌家家玉我亦貪饒

八十翁

附註 一水族加恩薄見四庫存目以鹽漬言為新封 二玉環亦產西施石如蟬而小余嘗過一次 三

玉環北監湯產鹽每達魚汛時銷極盛 八十常珍（正義）常珍者謂常食之

顯晦殊途巧合并雪縵小集待祥雲同知不枉尋方士異代仍教享美名

詩縣令汝經生此邦人物又西青恩波合進華清頰夜宴思分統國羹

附註 一篇時春燈謎有以七日長生殿夜半無人私語時射前清官名者謎底玉環同知四字可謂

工絕 漢軍徐榮字鐵孫官玉環同知有懷右田舍詩集阮文達相詩翰林 三五環楚門數禮
字聖儀以閩閩治三禮之學者有禮記集粹前經蘇州刊行余服務鄉者會時又從其家徵得
詩稿一冊中多黍離之音亦可稱為女遣民曾八石遺室詩話 史悟岡著有西青散記叙述
命壇人物玉環亦名西青故取用之 五凡九兩句喫過帶魚猶思食雪縵也 詩縣令二句本
與題無關但玉環文獻燦爛與帶魚有映帶之妙所以屢入究否合拍請諸公斟酌 五統國夫
人夜宴圖東坡有詩 起承轉合吾輩老調因為上文及叙事均提及雪縵結句不應置而不
談故改定似此為文字點綴非得應空曷也鏡平先生休咲我浮想聯翩

前調 楊妃帶用梅老韻

林鏡平

韻事留傳楊尹功因依人地美名刊網收銀帶圍腰潤肉比肥環徹骨豐

銜首尾順潮風歸帆好趁夕陽紅誰知滑膩凝脂味浮想聯翩惹老翁
附註 楚辭豐肉徹骨

前調 楊妃帶

朱哲夫

十幅蒲帆出海東果然盱汎八霜風銀刀玉帶參差是鹽漬冰封約略同
調供養樂年終吟邊肯放酒杯空釵鈿舊誓還天上裙帶新題倡城中

楊妃帶 即裙帶魚 七絕一首

前人

阿環事往逾千載裙帶餘妍今尚留想見雲帆滄海上萬條玉雪撲濤頭
小名喚得幾多嬌艷艷脂凝楚楚腰為愛山厨好風味酒邊詩思亦妖嬈

鷓鴣天 咏楊妃帶

任梓良

楊妃帶乃前清玉環縣令楊子宣取名即帶魚冷文首唱鷓鴣天詞
二一首同儕因亦隨和

如子歸真碧落仙長生一曲世空傳風流令尹呼魚菜釘鮓堆盤愛割鮮
天接水浪滔天應婆罌外釣魚船千帆釣食如新浴萬縷銀刀一帶牽

附註一黃山谷詩簿領能無休釘魚菜味釘魚是說魚菜雜煮漁民皆以鮮帶和葱而食二應婆
 總其玉環縣漁民聚居之地三釣食是以魚肉作釣餌因名釣食起網時魚首尾相銜出水

楊妃帶並序

孫棟丹

楊妃帶即帶魚清道光間玉環縣楊子宣明府所取名因地名人名
 相同故也實則帶魚非玉環特產東海洋面在所皆有故楊妃二字
 風雅有餘翔實不足質諸明達以為然否

出水銀刀別樣妍如何不上綺羅筵楊妃雅號名虛具石浦新封味却鮮
 初夏畏炎皆北去入冬嫌冷又南旋子自錯認玉環種名實難符事少傳

前題

陳冰原

最是漁家意氣豪提綱逐浪不辭勞玉環裙帶遺香澤羅刹江頭卷雪濤
 萬網銀光喧曬足千船豐汛笑聲高新封釣食俱佳味八饌還須巧手操

題錢牧齋詩集

梅冷生

遊養不余此題余嫌其意存翻案而句未健因亦效顰詩成自視又

太粗糲奈何奈何

破賊還期馬鳳陽神京日夕就淪亡大臣鈞黨由牧牧二卜小醜建夷盡謗章三
興國猶能容幸草後王殆為整朝綱絳雲近婦尋常事結客誰憐拂水莊五

附註 一崇禎甲申牧齋寄書鳳陽巡撫馬士英勸其起兵勤王並表示親率以行士英非社稷臣所言未必聽從即從亦無濟於事然牧齋捧日之心可大白於天下矣二懷宗欲用牧齋為相通過枚卜大典大相溫體仁之忌借張漢儒誣控之獄以中牧齋始罷原職回籍明季黨禍至烈自萬曆後君子小人互為消長流毒至南都淪亡而後已吁可畏哉三初學齋集刻於笑未集中建夷小醜厚見不鮮蓋牧齋已嚴夷夏之防與朝猶寬誘書之禁非出無知實為有意四清朝八關始猶寬大三藩亂後創一臣傳以樹臣節鞏固統治不得不如此也五絳雲炎後牧齋常居拂水山莊地在白茆海口與東南豪傑遺民共謀恢復己亥八月鄭成功率師攻南京不克甘輝死之此時牧齋亦在軍中有報筆集一卷乞今猶存冒鶴亭夜齋雜劇中有滿江紅由文下半闕即咏其事偶憶及錄之以供參考錢象叟樓船半張蒼水韓刀裏呼高皇萬歲江山還我嘆惜不逢梁元鳳是清軍主將事後吳梅村為作平寇記郎廷佐是江寧總督牧齋同志尚有張蒼水也梁元鳳是清軍主將事後吳梅村為作平寇記郎廷佐是江寧總督皆清室勳臣勁風後識

起裏

題錢牧齋詩集

王孫符

此詩前作一首冷翁以為意新而句未健因改成此章輒承首肯願更乞同人教定

八手殘篇我尚驚
虞山健筆自縱橫
二家江左尊前輩
一死河東獨美名
二薄怒銀燈爭劫局
白頭炳燭戀餘明
三汗青付與紅粧照
四佛火神州百感生

附註
一牧齋為高曆時榜眼吳梅村則為崇禎時榜眼龔芝麓亦崇禎時得第論年輩以牧齋為尊
江左三大家詩集即收錢吳龔三人之詩
二甲申之變河東出刀繩毒藥二者請牧齋擇一自
裁餘以予己牧齋不能決河東嘆曰公存我不隨侍後河東終殉錢氏家難故論者皆壽牧
齋而美河東
三牧齋詩薄怒銀燈真劫棋又詩老有心情依佛火窮無涕淚灑神州皆見集中
炳燭餘明亦見牧齋詩
四吳梅村詩一代紅粧照汗青我詩中之汗青兼用文信國詩意與梅
村較異

昨詣勁風樓
適爾君冰原
送冬白
至主人即命烹以餉因成長句呈
冷翁並邀同作
前人

雪鱉何用索溪隈
冬白石厨亦美材
一酌消寒成小集
數花破臘見初胎
醜顏春返冰霜夕
病榻風生警夜雷
難得后山似安石
提魚真見就公來

附註
袁爽秋詩續草老作黃梅宿警夜風雷出病頤

勁風樓雪後食冬白拙詩為謝

任梓良

盼盡雪鰻丙穴虛 一漫論餓飽念無魚巡篇花蕊梅占候中酒光陰歲有
餘冬白 二味饒留客至春紅日近照樓居管城食肉疑非相隙地還應學
種蔬

附註一雪鰻產山區溪潭中大者三十斤大雪時出穴梅文久託友人代覓未得適冰原送冬白
至烹餉同人小集 二冬白產海中鮑魚俗呼白魚

勁樓主人託余購雪鰻不得適陳君冰原送冬白至梅老不自專設
燕招同人共酌率成長句奉呈

孫棣丹

雪鰻消息尚沉沉時切詩翁鮑客心見說魚羹能健胃未妨雅集一似題
襟 二勁樓先辦分春酒暖閣猶傳介壽音更喜同儕送冬白座中詞客足
高吟

附註一雅同鴉故雅集以對魚羹 二題襟漢上題襟集用温飛卿事

冰原贈冷翁白魚即同食隨和一首

朱哲夫

小集無妨擬煖寒衰顏重溼酒邊丹雪鰻大索猶難得冬白新烹自可餐

飲啄有緣寧巧台愛憎無據漫長嘆大千祇是微塵裏諸法須從慧眼觀

附註 天寶遺事王仁裕每雪後延賓食飲謂之煖寒會

余以冬白饋梅師師即命厨烹以餉諸詩老遜翁首唱一律并邀同

作余亦繼聲

陳冰原

提魚非就煮聊復答追隨冬白姑先試雪鱖倘後期詩禪參活句交道貴
相知歲暮同珍重梅花已著枝

初雪

梅冷生

西風能抄北風權大冷真成大雪天尚有遺蝗應八地可無語鶴在今年
撒鹽庭院梅纔放添綫光陰柳正眠明日京安罷高卧掃除為隸亦欣然

後記

是日下午降雪至午夜始止在大雪節後五日距冬至節前七日檢佩文韻府有掃除隸而
無掃隸不能學有人自我作白並以我為師故改正如此做詩靠朋友要公同斟酌二個臭皮
匠抵得一個諸葛亮若口裏不言肚底自見下之下者也七八兩句又改作一笑子雲今跨
鶴一真侯亦於是日逝世又將白打首履纏又改作欲乞天公三白願晴軒又青議人先
跨鶴一雲笈七錢一集行子幸祀東海青童君二十年無掃無急乃口授玄法手錄聖方曰若
優游乾坤之內壽數百年不歸可得矣若求房鶴昇九霄未易致也謂成仙也俗謂人死為仙
去故亦曰跨鶴四歸白打戲詞戲名兩人對踢為白打又白手相搏亦曰白打又俗呼紙錢

亦曰白打 二白陶朱公書臘前得兩三番雪謂之臘前三白朝野簽載西北人諺曰要宜麥
見三百 鶴語(吳苑)太康二年冬大雪南州人見二百鶴於橋下語曰今年冬不成荒崩
年於是飛去(庾信賦)鶴訝今年之雪

初雪

任梓良

小陽春^去夜漫漫霜菊風前尚耐寒歲兆又占飛雪早無須掃徑問袁安

前題

王遜齊

仲冬初見雪六出驗豐穰未許閉門卧何妨亂眼狂巢林惜凍雀八地想
遺蟬零霧昏天地皚皚照草堂

前題

孫棣丹

四面黃雲台北風夜轉狂枕衾渾似水手脚盡麻僵庭院鋪新絮枝頭看^著
素裳老人談歲事冬雪兆豐穰

前題

朱哲夫

凍雲幾日壓前簷忽漫風迴雪映簾已覺關河明素繪更欣年穀入豐占
爐邊把酒春先得郭外尋梅冷未嫌肯讓灞橋擅詩思王郎一空亦許嚴

附註 舒鐵雲贈王仲瞿句有一室莊嚴妻子佛

臨江僊 景文囑題劍廬說詩圖

梅冷生

記得曹劉文譏地樂湖湖水清冷當時百尺一陳登于文催赴蜀衰白見
收京 八公瑾醇醪叨共醉披圖君有門生岸花汀絮各逢迎未容詩八務
直以酒為名

附註 二四月到六七月官帖不下鄉請之戶務林齊山詩風月未容詩八務本此

月中行 書庚子秋詞後

于遜菴

清庚子之秋諸夷犯闕兩宮西狩當時朝官星散獨半塘老人閉戶
如故日與諸朱白微劉伯崇諸公以倚聲相唱和危城愁坐呵壁書
空因題其集曰庚子秋詞雖辭託風花而義關家國蕭條異代搖落
同悲重對遺編漫題此解

西風御苑 八腥氣傳恨老詞人誰令 攘攘著黃巾 何憾暫蒙塵 五
危城閉戶秋聲裏 聽寒雁西去 橫紉 六 高歌同有筆如神 千載此 二 君

附註

一杜詩數州消息斷愁坐獨書空 又搖落深知宋玉悲蕭條異代不同時 二王漁洋詩南苑西風御水流 三朱竹垞詞老去填詞一半是空中傳恨 四杜詩樓擡著黃巾 五李義山咏楊妃詩未免被他夜笑只教天子暫蒙塵 六橫汾句用秋詞原意昨夢橫汾西去路聲聲雁塞雁驚寒不忍聽 唐李嶠汾陰曲咏漢武帝故事其結句云不見至今汾水上惟有年年秋雁飛

乙卯餞歲

梅冷生

長恩吾自負汝 一困學 二未成編天落豐年雪 人培餽歲錢水仙方對眼瓶菊有餘妍虛空能生白 三今宵且廢眠

附註

一長恩一致虛閣雜俎一司書鬼曰長恩除夕呼其名而祭之氣不敢喘蠹魚不生清莊筆麟藏書處名長恩書室本此 二困學紀聞書名宋王應麟撰二十卷應麟博洽多聞在宋代罕有倫比是篇乃其劄記考證之文清閭若據全祖望程廷田何焯錢大昕屠繼序萬希樞皆為之箋註謂之七箋本後又有翁元折注尤善宋人考訂書之最精核者 三虛白莊子虛室生白吉祥止止白者日光所照也室以喻心心能空虛則純白獨生也

餞歲示內

王遜算

醉裏詩成豈有神問天喚雁替靈均屠蘇後飲何妨老葵藿親次敢厭貧且喜兒曹能力學漫言世界等微塵桑田留命同堅坐未到春來歲已新

(新曆已二月)

乙卯餞歲作

朱哲夫

淑氣方迎歲又除
負家風味一如初
閑門巷曲猶聞爆
置酒床頭好祭書
親故漸驚星際曉
老懷重喜柳將舒
音風大是知情物
看送芳華訊起居

前題

任梓良

餞酒未闌歲尚舊
勞生往事夢依稀
承平歌舞翻新曲
破曉春聲到敝幃
華髮又添眉共白
銀燈似笑壁生輝
明朝七十真虛過
猶戀燕雲九陌歸

附註 甲寅除夕在京

前題

孫棣丹

退閑又是一年過
歲月無情感逝波
少女燈前嬌語細
老妻枕上喘聲多
一
驚心爆竹催春到
回首前塵似夢過
投老還將除夕守
宋詩一卷對洋

河三

附註 一老伴患中風日來加重 二俗稱守歲 三洋河大麴酒名

前題

陳冰原

今宵辭舊歲莫讓酒杯空霜鬢搔添白塵顏醉借紅書猶抄未就字總練
難丁夜半梅香度盪胸動暖風

滿江紅 柴市謁文文山祠

夏瞿耨

戴石肝腸湯鑊畔無降有死怎忍見神州故土縱橫敵騎頭上昭昭星與
日眼前哀哀金和紫表丹心一寸幾行詩垂青史 生死際艱難事聽揮
手成宮徵念陰房鬼火曾歌正氣欲借梅邊生祭筆槐根重寫祠堂記儼
數椽容我和高吟鄰柴市

附註 王炎午梅邊集有生祭文丞相文

滿江紅 次韻夏瞿老北京謁文信國公祠

王澐蒼

惶然灘頭嘆自有人誰無死那料得錢塘潮退任驅胡騎自是橫江驚
雁白不關閨位爭蛙紫且何妨舊恨說南朝傷心史門羊虎勒王
事散聲伎忘宮徵但日星河嶽長留浩氣登曲漫同嚴瀨哭荒祠待補
中川七記問人間幾輩斬朝衣虛東市八

附註一錢塘潮過元兵初至杭州驅軍錢塘江沙灘上人皆笑之以為必為朝所掩也乃江潮三日不
 至杭城遂破清人文記某烈婦事有北虜能過錢塘三日之潮而不能奪匹婦之志等語二閩位
 一漢書王莽傳一紫色蛙聲餘牙閩位言并雖即帝位而非正統如十二月中之閩月也三紫蛙
 史稱王莽蛙聲紫色清遺老某詩十年閩位蚌聲紫四門羊虎公奉詔勤王盡散家財募鄉兵數
 千人欲行或告之曰虜勢方驕公欲以此赴敵不啻驅羊就虎公嘆曰我豈不自知哉持欲以此
 為天下倡耳五敢聲伎趙甌北帛文信國公詩半生聲伎勤于散六疊曲言余和君之詞也七中
 川指温州孤嶼亦有文信國祠堂八東市用漢泉錯事

前調 同題

朱哲夫

正氣如生凜然見精忠大節垂千載日星河嶽光輝不滅鼎鑊鎔刀終不
 屈黃冠樽俎空污餼祇勒于師出竟無功豈天絕 夢炎去甘事敵萬安
 敗死亦烈際時危顯得兩般人物碎首拼流柴市血拳鬚同泣匡山月尋
 丞相南北兩祠堂心香蕪

前題

任梓良

廟貌靈旗思萬里忠魂貞烈昭正氣肯污新諡長留碧血近淚何人露墓
 土高吟有客題祠碣恨南朝苟且誤偏安江聲咽 隆中意天下傑扁舟
 發孤臣節嘆勤王勢去空抗力竭曾酌中川江上月環憐無定河邊骨仰

遺風柴市與東甌香分熟

附註

文天祥於南宋帝昺祥興元年（一二七八年）十二月六日在五坡嶺（今廣東海豐縣北）被元軍都元帥漢奸張弘範所俘次年十月才押至元都燕京（今北京）元世祖威迫利誘不屈囚禁土室三年至元世祖至元十九年被殺。趙甌北句碧血青污新贈諡三文天祥有感詩絕憐諸葛隆中意又過淮詩天長與地久此恨極千古來生業緣在骨肉當如故又念奴嬌句南行萬里屬扁舟空坑在今江西省吉水縣附近五中川即甌江中有孤嶼有文丞相祠堂六無定河即今北京永定河七瞿髯詞欲借梅邊生祭筆梳根重寫祠堂記

滿江紅

謁孤嶼文信國祠步韻奉和瞿髯再老北京之作

陳冰原

鐵骨錚錚痛亡國惟求一死藐虜逆義驚天地氣吞胡騎雪當地激昂旄節
落春風寂寞宮花紫浦蒼冥肝胆照千年光青史 歌慷慨懷前事西臺
哭聲聲微嘆荒祠衰草蕭然秋氣斷碣沙沉潮自咽孤忠跡杳詩宜記熟
瓣香無語酌精靈招柴市

附註

元微之宮花寂寞紅 文山正氣歌沛乎塞蒼冥 謝翱有西臺哭所思詩

滿江紅

溫州謁文信國祠並呈瞿老

林鏡平

帶血啼鴉歸來認人民城郭窮北繫心傷禾黍志甘鼎鑊生死一身何足
 道安危萬姓將誰託痛神州遍地起兵塵紛鋒鏑 胡笳動予懷亞歌正
 氣金聲作恨出師未捷身先溝壑仰視浮雲長耿耿風檐白道昭河嶽判
 而今南北聳崇祠三光燦

平韻滿江紅

過柴市吊文文山

夏瞿龔

承諸友好遠和滿江紅小詞重有啓迪用白石平韻調作此求教

烈日長虹貫日氣九重絳霄瞻遺象是真男子能懾天驕此地胡兒曾駐
 馬枕邊笳角滿秋宵對勸降來使只搖頭歌可拋 幾朝士歌董逃萬義
 士殉陳陶誦零丁詩句星月爭高自右危邦多節烈鬱孤拳石鎮奔濤聽
 今朝同唱反投降風怒號

附註一忽必烈讚文文山為真男子二漢歌辭有董逃行三鬱孤臺在贛州江中文山與元兵激戰

於贛州

滿江紅 用白石平韻和瞿龔柴市吊文文山原韻

任梓良

落日虞淵旁，薄氣怒冲斗。霄河山破縱，橫區脫豺虎。聲騎牛驥，羈縻同一
白。兩風萍絮，嘆中宵繫二綱。一死重於山，妻子拋。誰無死耻，獨逃夏商。
樂心郁陶，富士扉幽暗。難問天高，朱鳥西臺，知己淚千年。孤嶼撼驚濤，斷
雲低儼見，舊英靈，聲淚號。

附註

一文天祥過零丁洋詩山河破碎風飄絮身世浮沉兩打萍二文天祥過淮詩莫望夫子
莫望父三穀梁傳以長逃軍四鄭思自一礪詩愁裏高歌梁父吟猶如金石夏商音五張元
幹賀新郎詞天意從來高難問六杜詩低空有斷雲

前調 同題

林鏡平

經術通明拾青紫，直登九霄。遭末運，展深主。幼將懦兵騎，奮舉義旗扶社
稷。哀師刁斗咽寒宵，嘆倉皇敗局勢難回。君國拋。傳車送，不可逃。展書
讀夜陶陶，念零丁。惶恐浪急，難高史冊昭昭。垂正氣文章，凜凜壯秋高。想
當年賈日，耿長虹，天人為號。

附註 一楚辭冬夜兮陶陶謂夜長也 二皇甫湜祭柳子厚文子之文章秋濤瑞錦

溫州府 府 印

勁風樓同人酬唱集丙辰集目次

江心文信國公祠感明季錢希聲學士題詞事二首
前題

于遜菴

沁園春 前題

朱哲夫

同調 前題

梅冷生

附錄 錢肅樂公沁園春三首

林鏡平

文信國題張許雙廟沁園春詞

沁園春

江心文信國祠感明季四明錢肅樂題詞事

于遜菴

同調 前題

朱哲夫

同調 前題

任梓良

鄭紹昌君背誦湛丈一九六七年花朝日告別諸親友詩原

林鏡平

為感悼因次韻追和

附錄 湛丈原詩

題鄭雪夫杏雨樓畫稿四首

前題一首

前題一絕

前題一首

前題一首

早春聞雷

前題 於時有寒流來襲

前題

前題

前題

前題

清明一首

清明後一日作

梅冷生

朱哲夫

任梓良

孫棣丹

陳冰原

梅冷生

林鏡平

于遜莛

朱哲夫

孫棣丹

陳冰原

孫棣丹

梅冷生

溫州府 印

前題二首

今年春寒特甚而八夏以來復見雨逾月屢誤農時聞北方乾

王遜菴

早已數月未雨何天時不正如斯也

林鏡平

梅雨逾月書感

王遜菴

前題

朱哲夫

梅雨兼旬深夜不寐

孫棣丹

和遜翁梅雨逾月書感原韻二首

陳冰原

春雨喜晴

林鏡平

無題 詩諫同人以春郊晚步為題余不能學步亦循例作一首而另之曰無題

梅冷生

春郊晚步

朱哲夫

前題

孫棣丹

前題

陳冰原

春郊晚步即景

前人

勁風樓酬唱集丙辰集

江心文信國八公祠感明季錢希聲學士題詞事

王遜弄

兵前血淚舊題詞東閣英風想見之千載文山堪伯仲同時蒼水共艱危
荒祠孤嶼成追憶殘局南疆遂不支誰似嚴陵歌擊石一樽我欲酌江底

附註 公與張蒼水同舉義兵

神州累劫厄胡塵百戰孤軍又此人瓶乳恨傳天水畢燕梁秋八泚園春
大名同作奇香嗅 二 贈謚何煩異代新 三 四首章安高蔭在並留遺愛感
斯民 四

附註

一燕梁見公所題泚園春詞 二亦用公詞意 三清乾隆間追謚公曰忠節 四公父曾為瑞安學
官邑人思其遺愛為建祠祀之

大呼執挺氣飛揚力戰沉淵並可傷誰何春秋論夷夏重聞鄉國有林張
同仇當日皆人傑兩廡何年配國殤眼底興亡天似海晚山無語送斜陽

附註

吾鄉林夢龍張延祖亦於明末抗戰殉難

勁風樓酬唱集

丙辰集

前題

朱哲曰夫

中川祠宇尚崔嵬光嶽千年氣未頽後死四明同鐵石英祠三疊屬風雷
中原從古多離亂異代重來認劫灰至竟不仁只天地精忠偏有殉時哀

附註 忠介過信國祠仿信國過睢陽廟題沁園春詞前後三疊

沁園春 前題

梅冷生

來雪何年終風且暴儘够思量憶當日學宮教忠勸孝首年鄰縣檇杖登
堂文獻無徵山川不說僅向四明弔國殤真羞死昧勒王父子無命林張
心傷古廟睢陽忍嚼齒穿齧事勿忘嘆鶴田殘翠當餘惘惘龍翔御座
久付茫茫剪水量沙撫今弔古杯土中川引恨長我何恨悵腥羶雖滌舉

國猶狂

附註

永嘉林夢龍羅浮世族居城內今蟬街林宅大屋即其舊第中崇禎壬午舉人國變後臣
事魯王浙東淪陷父子下海隨唐王大等士劉忠藻戰敗桐山今福建福鼎縣父子殉難
東甌詩存傳載羅浮將軍廟一詩有咫尺中川文信國靈旗來往不辭煩又從魯有秋載魯王
有林夢龍下筆千言之響餘無可考張延祖樂清人少讀書南唐日新寺有豪俠之風錢牧齋
初學集中載其以詩來謁有大海雄風之慨後在徐孚遠軍中永嘉海陷執挺大呼以抗清兵

編

市人無應者乎遠集中有張日永在舟中夜寒無被以旗自覆艱矣可想而知道光樂清誌一
無所載不知所何事禁網嚴密恐傷忌諱故今人多無知者二端木鶴因集中弔文信國詩
只利田橫五百人之句當時勢窮力盡無法挽回三信國諸臣會哭龍翔寺高宗御座下擁立
益王

同調 前題

林鏡平

扶宋文山匡明肅樂異代同辰逢賊臣篡亂虎狼入宰萬民塗炭生殺由
人激憤填膺竭忠效命奮集偏師掃虜塵塵戰急終連移漢在宿願難伸
東甌接贛連閩留廟貌詞章瞻誦頻念睚陽往矣更誰弔白江心來青
觸感猶新惶恐灘頭浪江舟上碧血丹心泣鬼神如一轍灑英雄熱泪史
跡酸辛

附註

一文山於一二七七年在平西敗於元兵從惶恐灘一帶撤退福建故有惶恐灘頭說惶恐之
句二錢肅樂自寧波起義師轉戰八閩終以兵敗在浪江舟中嘔血而死

附

錄錢肅樂公北園春二首

東甌有文文山先生祠吾父典教瑞安率余登堂瞻拜投詩寄弔

今身遭亂家國茫然追念斯事又感先生過睢陽曾賦沁園春一
闕戲做此詞仍用原韻

朝聲送客月影依欄是日登堂見綠草萋萋半含煙雨霜林槭槭盡寫悲
涼四壁虬龍夜深呵護如見先生鬢髮張斯時也吾先人評論杯酒興亡
曾裁詩句冰霜弔檻外蘆花秋自傷痛先人萎謝家乎何處胡塵四起
國也其亡風掃殘雲雨催行潦燕子秋來別畫梁空回首憶舊時登眺目
斷斜陽

屑義爲糜粉忠作膽此味同嘗况秋風約恨邊聯衿帶汗青傳語共嚼冰
霜家在滄洲人隨鷺鷥願何廬陵認故鄉前此者有先生心事古廟睢陽
傷心先哲云亡又古廟黃昏月滿牆歎茫茫煙際與天上下漸漸白裏
剪水封疆背地伶仃對人惶恐風雨重過舊日洋夫何故說先生姓氏嗅
也還香

金鳥已飛石犬不吠遮莫神仙但萬里光燄眼前金魄一壺秋水心上嬋

娟銀闕長春玉樓不夜刀劍場中定引年君不信聞夢交留氏鬼哭荒煙
賢愚豈有判焉只怖死貪生一線天看轟轟烈烈男兒一個哀哀怨怨
血淚千篇取義成仁而今無媿了得書詩兩字緣應還恨恨江心杯土又
渡腥膻

錄四明叢書本錢忠介公集第二十一卷十四頁

附 錄文信國題張許雙廟沁園春詞

爲子死孝爲臣死忠死又何妨自光岳氣分土無全節君臣義缺誰負剛
腸罵賊睚陽愛君許遠留得姓名萬古香後來者無二公之操百鍊之鋼
人生效命云亡好烈烈轟轟做一場使當時賣國甘心降虜受人唾罵
守得留芳古廟幽沉遺容儼雅柏木寒鴉幾夕陽郵亭下有奸雄過此仔
細思量

錄文信國公集第十四卷指南後錄第六十頁

沁園春 江心文信國祠感明季四明錢肅樂題詞事

勁風樓酬唱集

丙辰集

鵲枝黃昏悲落日照耀在崦嵫

附 湛文原詩

乘化言安適虛空任所之形神隨聚散視聽總希夷
溷滅全歸海花開正滿枝臨崖揮手罷落日下崦嵫

按 湛文於一九六七年六月間被迫遷居因而逝世此詩當作於是年之花期日享壽八十有五

題鄭雪夫杏雨樓畫稿四首

梅冷生

果園門下有二山君與吳山伯仲間新舊同無標準在恐防人說似荆關
袒似君平易自精百錢猶慕子雲亭關門何用題春雨深巷明朝已厭聽
寫出胸中一段奇不須依傍效人爲巧詩作畫非無謂意到還須筆力隨
海派導源仗性靈蜀人張八匪飄零因君更憶午昌子尚有同鄉鄭曼青

前題一首

朱哲夫

詩家舊唱鷓鴣好畫苑今看介壑奇
眼底時流競新樣君猶能步古藩離
杏花春雨江南路秀句流傳愛道園
要爲江山添掌故一層上得可回論

前題一絕

任梓良

鵝鳩聲裏日長時，白壑胸中筆自奇。
百頁替頭無限趣，憑君畫出古人詩。
詩思無如圖畫真，寫生能事在傳神。
也知天下有山水，藝苑翻新要後人。

附註 杜甫題鄭虔句天下何曾有山水

前題一首

孫棣丹

青蓮醉酒詩如畫，摩詰毫端畫即詩。
藝苑功成非旦夕，用心甘苦自家知。
喜君健筆擅唐仇，風格宜從淺近求。
能與工農共欣賞，命題應取合時流。

前題一首

陳冰原

杏花雨後泥塵香，作畫晴窗興獨長。
補得詩情毫素上，丹青點染豈尋常。
上承少逸藝求真，不染塵污氣自新。
百紙描摹見勤苦，盛年難得有此人。

附註 鄭君受業於方靜山而方又師承瑞文林少逸先生

早春聞雷

梅冷生

元宵影事記迷離，又過三朝影亦馳。
破笋仍嫌留作達，燒燈還待月明遲。

陰晴有驗雲垂象作息無恒業在嬉孰使東風成早計不知美炙復何時

前題 於時有寒流來襲

林鏡平

方欣和煦春陽轉頗怪寒風北國來弄色柳條輕自在含苞梅萼凍還開
陰雲帶雨江城暗淑氣迎人野雀猜與報今春少晴日昨宵天半有驚雷

前題

于遜菴

疊鼓聲中驟雨來使君失著豈因雷抽芽泥笋驚方出照眼瓶梅落更開
匝月人言天不見發春律今夜還催無眠愁聽惟危坐一卷燈前共茗杯

前題

朱哲夫

燈市繁華迹已陳又從雷雨作芳辰盡分餘潤歸平野更得先聲占早春
晨卷人曾忘夜永抽芽笋復應時新晦冥一月倘成驗簞笠安排付釣輪

附註 雷鳴驚蟄前一月不見天系温州俗諺

前題

孫棣丹

几春冷雨叠相催夜半矇矓聽早雷麥秀抽苗宜日暖菜花展蕊怕風催

嚴霜已逐凍雲去，寒氣還從朔漠回。早起看山修竹裏，貓頭出土送香來。

附註 東坡詩好竹連山覺笋香

前題

陳冰原

細雨連朝黯海城，凍留撼地百蟲驚。寒梅弄影和香動，新笋抽芽破土生。
蠶婦飼桑期早繭，田夫溫草備春耕。名山有約探龍穴，一檢點奚囊待放晴。

附註 友人邀訪雁蕩龍湫背

清明二首

孫棣丹

佳節清明細雨斜，雨中高木立寒鴉。行人且慢嗟魂斷，已近村頭賣酒家。
先人萎謝感年華，墓草離離落野花。我已衰齡嗚兒輩，莫教咫尺隔天涯。

清明後一日作

梅冷生

飛絮年年約春寒，日日禁清明。成昨夢，谷雨兩兩輕陰，忍死雲涯淚餘生。地
雨心趣兒作恭代明發謁山林

前題一首

王遜菴

曲曲松臺列畫屏，淡雲微雨失清明。春寒小閣渾無賴，坐聽山禽一兩聲。
故山歸卧幾春秋，誓暮羲之已白頭。寒食清明都過了，詩成和淚望松楸。
今年春寒特甚，而入夏以來復見雨。逾月屢誤農時，聞北方乾旱已數月未雨，何天時不止如斯也。

林鏡平

北方乾旱南方澇，旱望雲霓澇望晴。安得天公迴一顧，今年能有好收成。
已誤農時災象宅，南天北望不勝情。休言匡救多長策，朽腹於今負偶耕。

梅雨逾月書感

王遜菴

機聲拖拉響隆隆，民食爲天今古同。但願雨晴莊稼好，也如介甫頌元豐。

前題

朱哲夫

梅雨逾時節，江城尚擁衾。農家愁望土，歲詞筆戒臨深。天意誰先得，人謀或可任。暮年心未已，何似一杯斟。

梅雨兼旬深夜不寐

孫棣丹

梅雨兼旬感寂寥江城春色黯然消
雞聲雜唱斷還續蒼漏頻添喜復朝
墨客漫嗟吟事苦離人應覺旅途遙
群黎却望收成好四海弦歌喜氣饒
和遜翁梅雨逾月書感原韻一首

陳冰原

春雷撼地響聲隆匝月霖霖處處同
漫道田夫乾着急與天敢鬥奪年豐
開渠排水水聲降抗澇添肥着力同
戰勝天公人已定倉盈五穀報時豐

春雨喜晴

林鏡平

信步郊原趁晚晴一春寒雨見凄清
桃花零落歸泥土燕子低徊認戶楹
細草競舒原上綠斷霞漸失眼中紅
夕陽不爲田家照布穀何由促早耕

無題

梅冷生

詩課同人以春郊晚步爲題余不能學步亦循例作一首而易之曰
無題

晚步難從步春寒論倍加危疑風有賊
畏撼樹無花石豈因人熟山還借
口誇功成湯豆腐凍菜足生涯

春郊晚步

朱哲夫

川原斜陽裏風物有餘清
樹樹皆春色行行遠俗情
炊烟初何晚布穀正
催耕天地曠如許吾寧薄此生

前題

孫棣丹

為避塵囂不計程
江邨處處鬧春耕
采農趕集愁朝雨
漁父板罾喜晚晴
負郭人家舊相識
沿途花鳥不知名
夕陽已落西山外
料峭寒風促進城

前題

陳冰原

踽踽江城外羣芳八眼紅
晚風猶料峭新綠自從容
牧笛青山麓村煙夕
照中尋春常忘老健步類頑童

春郊晚步即景

前人

閒步城郊舉眼新
丁農廠舍緊相鄰
尼龍育稻春苗暖
電氣耕田泥浪勻
鐵塔綫綢穿燕影
平橋面滑走車塵
山歌聲裏斜陽好
無復荒村舊日貧

附編 哀悼梅冷先生詩詞

丙辰春間 冷翁曾勗同人等以多讀少做因而未有所作不意是
年夏末 冷翁遽歸道山同人等哀悼之餘皆挽以詩詞茲附錄於
集後聊以志悼念之感云爾

悼梅冷翁

林鏡平

詩書滿腹 一生心病榻 十年半痺身 耽讀依然勞 隻手苦吟亦復聚全神
奈何小疾成終古 莫遣靈方出上真 痛對遺篇思 馨歎屋梁落月夢猶頻

于遜菴

應劉俱逝久 傷懷又痛宣 城委病骸自有千秋何足恨 但悲萬卷一身埋
海山兜率神安往 殘水微陽語獨佳 從此勁風想高閣 竟同蠲戲騰空齋
永嘉壇坫此靈光 何爲南豐一瓣香 早歲交遊惟許勗 白頭文字每商量
哀思閱世應同感 寂寞論心豈自傷 他日參寥憶坡老 西州回首獨沾裳

附註 公有微陽溫落葉殘水答疎鐘之句極自得意

吳天五

抱痼同玄晏沈綿不記年書空餘半臂得句動連篇心事冰壺貯風裁玉
鑑懸定知乘謔去皓月本來圓

永嘉論宿學此老亦殊倫博識關文獻多聞信席珍早叨青眼賞晚覺白
頭親猶憶紅亭會鷗羣狎更馴

床債從今了尻輿遽已假攤書猶昨夢丹手有長嗟鄉議崇三老詩名擅
一家他時耆舊傳公案述桃花

附註 公在病榻中嘗作有桃花詩十餘首傳誦一時

任梓良

痛絕人間失大師彌留無語恨來遲勁樓吹淚西風裏一慟扶棺不自持
死觀神采似生時五日床前尚說詩一訣彌天成隔世月明鸞鶴夢中期
擊掌匡床細品評陽秋韻語有衷情心傷來日中秋月莫作中天分外明

附註 今年閏八月公約同人杖輿遊九山堤賞月

八十衰翁六一兒 一 去年猶記拜門時
刀環絕域傷心語 紅豆銀燈算刻期 =

附註 一 公自壽句 二 公自壽詩 只愁絕域刀環夢 難挽西風白骨秋

騎鶴何曾留半費 居家遺女欲何如
如夢華病榻無多錄 枉費謝鄰數度書

附註 瞿壽要公寫病榻夢華錄

依綠園淫潭水 清棟花信過 換蟬聲
青城知有移家住 廿載籬園出谷鶯

朱哲夫

附註 公詩我別籬園亦廿載 遷高出谷變態新

半櫻新火許清聲 一闕甘州早定名
慎社鄉賢同謝盡 瓣香和淚逐江傾

附註 公是半櫻詞人林鐵尊先生弟子

詩篇盡付故交存 掌故羅胸對榻論
詞境當空法當實 一 華嚴境界道根源 =

附註 一 公論詩句詞境當空法當實……下筆先從意內看 二 宋王禹偁詩子美集開詩世界伯陽

書道根源

梅福高懷是我師江魚四月恰時宜南烹曾獲郇厨美無復鮮花點雪鱠

附註 公長女適瑞安舊俗每年送鱠魚來上經月寺祀

何時單漿水心村句公落葉微陽豈重溫教我莫忘書熟讀琢磨今後共誰論

壇坵東南失主盟藥爐病榻想平生不堪重省微陽語門外青山尚自橫
伏枕詩篇盡化工韓愈孟卓杜沉雄相從應有望洋歎吾道千年總不窮

附註 孟東野賈浪仙卓犖偏才俱以苦心孤詣得之見貞一齋詩話

青田阮與揚州衍夔府少陵格並高不是病中偏愛聽要參活法悟吾曹

附註 公嘗愛聽同人讀陳衍揚州雜詩阮元春盡日阻風青田一律及少陵秋興八章頗見激賞

記爲籬園咏棟花落霞舊夢隔天涯定知此後驂鸞過更有新詞賦沆紗

附註 予舊句知公咫尺天涯感病榻還應夢落霞公頗稱是

尋常片語都奇絕今日低徊味益深莫更舊遊悲伏枕眼中宮闕即黃金

附註 公上年送梓良之北京句我亦舊題今伏枕夢中金闕現蓬萊

樓上金尊月正明佳辰歲歲祝長庚九山湖水應嗚咽未照詞人杖藜行
附註 中秋後一日爲公八旬誕辰同人鵬咏樓頭

孫棟丹

偶因小疾遂長休定向蓬山閱苑游尙再鸞過月下吟聲應落勁風樓
忽報文星殞石廬同人詩思感闌珊勁樓韻事成追憶舊曲尊前忍再彈
高齋猶記盛筵開賓主論文亦快哉病榻循循還善誘教人多讀莫遲迴
石渠門館總依依亭閣依然人亦非惆悵松臺山下路素車穆穆送公歸

東坡引

吳 鉞

覆蕉悲夢鹿觀緣已應熟從今誰賞韋編學晨星驚又落晨星驚又落
平生事業霞潭書閣但空盪春波綠鷗邊弦語何人續梨花歌一曲梨花
歌一曲

減字木蘭花

夏承燾

得冷生兒噩耗京洛道上作

灘聲七里一牙曠知音今已矣舊夢低迴白日煙蓬訪釣臺
江湖遲暮
不牙邯鄲尋夢路莫話黃梁繞枕風雷過太行二

附註

二五十年前冷生兄曾在七里龐舟中齒及浪淘沙小詞二邯鄲有小站曰黃梁夢在太行山麓時河北唐山天津地震

八聲甘州

陳冰原

正菱荷鋪翠沁香時蟬聲喚新秋嘆勁風翁逝雲車歸去月照空樓往日
歌詞尊酒百事自今休惟有甌江水依舊東流 卅載師門誼重縱千言
萬語欲吐還收聽疏鐘落葉奇句觸離愁看蓬山天容海色問文星何處
放仙舟哲人萎縱橫涕淚回首西州

聞冷翁順化忽已二二復矣因病不能往奠書此志哀

王澌葺

誰與樓頭更論文夢中顏色總傷神公歸轉眼已二二復我病無端亦四句

和淚束窵難此奠招魂登屋定何人
請天切利吟聲在雲外寧知有劫塵
丙辰八月十六日爲故友梅冷翁誕辰
諸同人具醑追薦因憶舊有
中秋遊湖之約已成虛願書此志痛
于遜葬

藍輿扶路已無期忽忽逢辰有所思
良夜俊遊虛宿約湖光山色實同悲
臆揮老淚和清酌舊許能文感故知
聞道華亭隣夜壑倘尋浮址更論詩

附註 公墓在二溪華亭與浮址先生墓相近夜壑墓也

林鏡平

中秋過後增圓月不負相期分外明
人去樓空復誰照客來杯滿着爲情
香煙繚繞音容在韻事寂寥壇坫傾
安得華亭歸鶴馭論詩長主故園盟
孫棟丹

乘輿翫月已成空落葉疎鐘憶此翁
半世勞神去館裏十年活計藥爐中
埋頭經史諳方志下筆詩篇見化工
誰遣修文歸上界人間壇坫失宗風

附註 丹灶藥爐新活計東坡詩

朱哲夫

人天重晤故難期咫尺湖堤負所思詞筆誰堪因公後繼酒杯獨向月中悲
記從病榻聞餘論苦度金針覺後知定有姻緣香火在名山珍重勁樓詩
湖天心事渺光景爲誰留北客曾憐我南樓又感秋餘情人搵淚酌酒月
當頭帳望低雲斷魂歸定夜遊

任梓良

陳冰原

逢辰祝嘏再難期設奠當樓益痛思月色空教今夜好波光豈掩一湖悲
蓋輿扶路成虛約白首傷情有故知鸞鶴何時天際返還揮隻手共評詩

徐董侯

惘惘樓東月清輝孰與留修文竟促駕聞笛况驚秋素壁空遺句風簾却
上鈎今宵飛鏡下竿鸞定來遊

八聲甘州 丁巳初夏過勁風翁故居

吳 勉

莽乾坤相望幾晨星悄然石壇居嘆詩人不見山河瀕若空
黃遽長逝
尺輪神馬本不戀遽應可奈闕羣渙冷了江湖
猛憶年時病榻尚明樽
作健催辨卹厨正花飛燈喜一醉對鮪魚俯仰間風流頓盡刺白頭落莫
孰華予還問草玄良苦說覆殘書

冷翁逝世忽忽期歲矣其家人設小祥之奠諸舊好多往致禮予亦
與焉感賦二絕句時六月初七日也
于繼芬

宛陵逝焉忽忽經年叨閣重登各愴然家祭小祥猶有淚尙聞鸞鶴下遙天
瓜李南皮不可追觀荷遺憶謝池時劇憐公去詩同廢寂寞何人與析疑
鼓盈我老總傷神悼逝懷人百感新公尙有知應共嘆當年說項台朱陳
丁巳八月十六日爲冷翁輿降忌辰諸同人重集勁風樓致奠感賦

前人

月明庭宇咽蛩吟詩息人亡遂至今楚些三重歌思攬揆瘦樓舊跡愴登臨
生天有說公何忝酌地無言我欲清炊白應憐多涕淚屋梁照夢尙相尋

丁巳八月十六日勁樓奠次

朱哲夫

高樓楮燭碧浮煙
蛻骨人歸忽隔年
尚有哀詞陳素壁
更無奇句墮遙天
百年草草悲人世
片語拳拳勗野賢
今白生才同一喟
凜然正氣望山川

前人

依稀天上團圞夜
不見詞仙駕鶴回
杯水當筵空致奠
文章名與祇成哀
生天倘是吾儕事
墮地終憐有用材
舊是龍華會上客
此時同爲捧香來

孫棣丹

逢辰高閣又重經
舊雨尊前念典型
薄酒豈堪供獻奠
新詩直欲寄幽冥
雁來氣爽秋過半
人去樓空淚共零
極目遠山暝色裏
西風策策到窗櫺

任梓良

死生長慟檢遺篇
故榻還陳月自懸
脫稿十年隨客散
微陽一語付誰傳
鳴禽春草人猶夢
冷霧秋波水似煙
從此騷魂呼不起
詩成無路寄重泉

附註

公病中曾語予云微陽溫落基殘水答陳蓮兩句乃余平生愜意之作或當可傳

微陽落葉獨凝思
覽按勁樓再奠時
酌地三杯詎遺憾
從公已覺十年塵
借東坡句
詩壇冷落慨榮枯
天際吟聲疑有無
一炷清香迎鶴馭
神明倘共接
斯須

丁巳八月十六日為梅師寅降忌辰
遜翁約請同人重集勁風樓致奠歸後感賦

陳冰原

逢辰勁閣怕登臨
未盡迴廊涕不禁
手麻猶留誰忍讀
吟聲已杳豈能尋
英姿爽氣歸圖畫
落葉微陽識苦心
薄奠中秋于人亦
哭罪罪細雨益蕭森

飲

之

酒

不

溫州

跋

始余髫齡就學郡校即聞有慎社組織及所稱永嘉七子者以文會友蔚
然成風時吳興林鍼尊如皋冒鶴亭方觀察甌括監榷海關一意提倡風
雅獎掖後進所造就人才尤夥心焉慕之迨余稍長即讀其書接其風采
就中惟薛氏鍾斗早逝宋氏墨菴遠隔不獲親近外餘若李笠雁晴李翹
孟楚李驥仲騫陳閔慧仲陶夏承憲瞿禪諸子皆得奉手承教而梅先生
冷生忘年下交始終提挈爲尤相得也五十年間事變紛乘以中材而步
季世欲求不獲時譴難矣丁酉壬戌之間余遠出榆關棲遯粟末梅先生
不我遐棄寓書慰勉有曰黃州海棠嶺南荔枝皆有君家故實今益以松花
江白魚俊物移情足慰羈愁其後先生三遊雁蕩寄詩相憶至云瓊樓玉
宇逐臣心斫桂人從謫籍尋蘇子吳郎南北雁天風鸞鶴閔清音蓋兼及
鷺山吳天五云未畧微波寫稿求正且曰晴日滿窗玉關萬里山靈有約
翹首歸人情意爲尤摯篤又曰仙岩風景因籍水發甌梅雨潭已有改觀

他日結廬最好在會昌湖上近日麥秋梅夏市集盤食物產豐饒恐非外地所能企及明樂清李後峰園林變色櫻桃熟時序無言熟送子歸名句不第當時羣公欣賞亦可作今日客子殊鄉思歸之引也言之娓娓情見乎辭矣

不久天力與余皆得邀宿歸來重視親勁風樓上譚藝益歡風雨斯文無復離羣之感時林鏡平王遜菴諸老皆傲居東山松臺間日夕相過唱酬爲樂一以梅先生爲歸而勁風樓遠紹慎社遂爲同人譚藝之中心云乙卯中秋值先生八十生日亟呈長句爲侑觴之介云

後凋松凜勁風閣八十堂堂氣未衰詩格宛陵應此潔聲名皇甫漫興疑委蛇退食猶思奮文獻微存賴總持獨愧不才叨末座每違馨效輒相思

說項逢人老惜才卅年杖履得追陪翠微高枕欣無恙明月前身定自胎朗澈故應忘法我圓融始足見風裁當筵一語終嫌賈丈空天

花似雨來

詎未一載即聞噩耗所憾遠役都門不獲奔赴此詩遂成爲輓章矣今歲同文諸子爰哀集所爲勁風樓酬唱集者若干卷以留永念哲嗣之芳世兄函囑賚一言以證文字道義相得益彰之雅謹就從遊始末回憶所及袂拂天花談霏玉屑種種逸事不辭縷述用證先生道術相濡與人爲善之心期於萬一耳末學不文握管興悲區區嚮往之誠庶無負夙昔期許之殷斯則吾知勉矣

一九八零年庚申初夏後學蘇淵雷跋於鹿城旅次

溫州

温河市 印 不 能

編 后 記

勁風樓酬唱集係永嘉梅冷生
等人于一九七二年至一九七六年
夏二二年半間酬唱之作茲選編成集
因主客各觀條件限制印刷不盡理想
請讀者諸君不吝指教元任感盼！

全集分上下二冊收回成本二元惠款（外地以郵代款）

清寄浙江温州謝池巷二號勁風樓酬唱集編校組

溫州府圖書館